


75337.48/4401(7)



全五代詩卷三十七

羅江李調元雨村 編

南唐

陳陶

陶字嵩伯嶺南人大中時遊學長安南唐昇元  
中隱洪州西山後不知所終詩十卷

馬世木傳陳陶世居嶺表

聲詩歷象無不精究昇元中至南昌築室西山日以詩酒為事會宋齊邱出鎮南昌陶志不屈齊邱亦不為之薦辟陶作詩自詠有中原莫道無麟鳳自是皇家結網疏之句陶少與水部員外郎任畹相善嘗以詩貽之云好向明朝薦遺莫教千古吊靈均後以修煉為事有詩云

乾坤見了文章懶龍虎成來印綬疎又云任他浮世悲生死獨駕蒼麟入九霄又題徐穉亭詩云伏龍山橫渚洲地人如白蘋自生死洪崖道成  
二千年唯有徐君播青史 嚴情集嚴尚書守鎮豫章以陶標行清  
潔欲撓之遣小妓號蓮花者往侍焉陶殊不采妓為詩求去有處



士不生正峽夢虛勞神女下陽臺之句陶答之云近來詩思清于水  
老大心情薄似雲已向昇天得門戶錦衾深愧卓文君後人移其事  
為陳圖南非也 十國春秋陳陶二子小字祖黎陶有詩云磻溪老  
叟無人問問列租黎教六韜蓋指二子也 本傳西山先產藥物數  
十種陶采而餌之開寶中嘗見一雙角髮被褐與老媪貨藥于市獲  
錢則市鮓對飲旁若無人既醉行舞而歌曰蕙采禾藍采禾塵世紛  
紛事更多爭如曾樂沽酒飲歸去深崖拍手歌或疑為陶夫婦云  
詠為生客圖蟬聲竹月短草色與秋長又比屋歌黃竹何人撼白榆  
陳陶句也 吟窓雜錄陶新月句云好看如鏡夜莫笑似弓時又近  
來世上無徐庶誰向桑麻識卧龍皆可想見其為人 北夢瑣言洪  
州處士陳陶有逸才其詩句云江湖水深淺不足掉鯨尾又云飲水  
狼子瘦思日鷓鴣寒又云一鼎雌雄金液火十年寒暑鹿麕不寄  
與東流任班鬢向隅終守  
錢核飛如此劍不可殫述

### 懷仙吟二首

洞春詩話南唐人多工律句惟萬伯古詩如懷仙吟等篇皆減盛唐

丹陵五牙客昨日羅浮歸赤斧尋不得烟霞空滿衣試  
於華陽問果遇三茅知採藥向十洲同行牧豎兒十洲

隔八海浩渺不可期空留雙白鶴巢在長松枝

雲溪古流水春晚桃花香憶與我師別片帆歸滄浪滄  
浪在何許相思淚如雨黃鶴不復來雲深別離處石渠  
泉泠泠三見菖蒲生日夜勞夢魂隨波注東溟空懷別  
時患長讀消魔經

### 遊子吟

棲鳥喜林曙驚蓬傷歲闌關河三尺雪何處是天山朔  
風無重衣僕馬飢且寒慘減別妻子遲迴出門難男兒  
值休明豈是長泥蟠何者為木偶何人侍金鑾鬱悒守  
貧賤悠悠亦無端進不圖功名退不處巖巒窮通在何

全五什詩  
卷之五  
日光景如跳丸富貴若不早令人摧心肝誓期春之陽  
一振摩霄翰

悲哉行

中嶽仇先生遺余餌松方服之一千日肢體生異香步  
履如風旋天涯不齎糧仍云為地仙不得朝虛皇狡兔  
有三穴人生又何常悲哉二廉士餓死於首陽

避世翁

海上一簞笠終年垂釣絲滄洲有深意冠蓋何由直  
鉤不營魚蝸室無妻兒渴飲寒泉水飢食紫靈芝鶴髮  
披兩肩高懷如澄陂嘗聞仙老言云是古鷓夷石竇閻

雷雨金潭養蛟螭乘槎上玉津騎鹿遊峨嵋以人為語  
默與世為雄雌茲焉乃磻溪豹變應須時自古隱淪客  
無非王者師

草木不言

何生我蒼蒼何育我黃黃草木無知識幸君同三光始  
自受姓名歲難立表裳山河既分麓齊首乳青陽甘辛  
各有榮好醜不相防常憂刀斧劫竊慕仁壽鄉願天雨  
無慕願地風無狂雨足因哀憊風多因天傷在山不為  
桂徒辱君高岡在水不為蓮徒占君深塘勿輕培樓阜  
或有竒棟梁勿輕蒙臙澤或有竒馨香涓毫可麓差朝

全五五何詩  
卷七  
菌壽為長擁腫若無取大椿命為傷婆娑不材生苒苒  
向秋荒幸遭薰風日有得皆簸揚所愧雨露恩願效幽  
微芳希君頻採擇勿使枯雪霜

塗山懷古

落拓書劍晚清秋鷹正籠塗山間來上愛敬如登龍覽  
古覺神王儵然天地空東南更何有一醉先王風惟昔  
放勳世陰晦徹成洪皇圖化魚鱉天道漂無蹤帝乃命  
舟楫撥方儒素中高陳九州力百道驅歸東舊物復光  
明洪爐再埏鎔經門不私子足知天下公亮曰那並生  
唐虞禪華蟲華山朝萬國一賦寰海同十載有區寓

毫亦帝功垂衣不驕德子桀如何聾握髮聞禮賢葺苑  
見卑宮凡夫色難事神聖安能恭道隱三千年遺芳播  
笙鏞當時執圭處佳氣仍童童海嶼儼清廟天人盛祇  
供元恩及花木丹識名崆峒異代草澤臣何由樹勲庸  
堯階未曾識誰信平生忠恨不當際會預為執鞭僮勞  
歌山下去懷德心無窮

早發始興

雲裡山已曙舟中火初熱綠浦待行橈元猿催落月沿  
流信多美况復秋風發挂席借前期晨鷄莫嘲啜

番禺道中作

博羅程遠近海塞愁先入瘴雨出虹蜺蠻江渡山急常  
聞島夷俗犀象滿城邑鴈至草猶春潮迴檣半濕丹邱  
鳳凰隱水廟蛟龍集何處樹能言幾鄉珠是泣千年趙  
佗國霸氣委原隰齷齪笑終軍長纓禍先及

宿島徑夷山舍

百里遵島徑逢征信遭迴暝依漁樵宿似過黃金臺缺  
齧心未理寥寥夜猿哀山深石牀冷海近腥氣來主人  
意不淺屢獻流霞杯對月撫長劍愁襟紛莫開九衢平  
如水胡為涉崔嵬一飯未遑飽鵬圖信悠哉山濤謔細  
君吾豈厭蓬萊明發又驅馬客思一徘徊

蒲門戍觀海作

廓落溟漲曉蒲門鬱蒼蒼登樓禮東君旭日生扶桑毫  
釐見蓬瀛含吐金銀光草木露未晞蜃樓氣若藏欲遊  
蟠桃國慮涉魑魅鄉徐市感秦朝何人在巖廊惜哉千  
童子葬骨於渺茫恭聞槎客言東池接天潢即此聘牛  
女曰祈長壽方靈津水清淺余亦慕修航

浚昌望月

何處無今夕豈期在海頭賈客不愛月蟬娟入滄洲浩  
然傷歲華獨望湖邊樓煙島青歷歷藍田白悠悠誰無  
破鏡期繫我信虛舟誰無桂枝念繫我方摧輶始見彎

金五  
卷五  
環春又逢團圓秋莫厭綾扇夕百年多銀鈎金盤誰雕  
鐫玉窟難寫搜重輪運時節三五不自由疑拋雲上鍋  
欲樓天邊毬孀居應寒冷擣藥青冥愁兔子樹下蹲蝦  
蟬池上游如何名金波不共水東流天花辟膺腥野雲  
無邊取蚌蛤乘大運含珠相對酬夜鶻思南鄉露華清  
東甌百寶安可覩老龍鑠深湫究究如情人盜者即仇  
讐海涯上皎潔九門更清幽亭亭勸金樽夜久喘吳牛  
夷俗皆輕擲北山思今遊鴈聲故鄉來客淚墮南州平  
生煙霞志讀書覓封侯四海尚白身豈無故鄉羞塚坎  
何足歎壯如水中虬獵獵谷底蘭搖搖波上鷗中途喪

資斧兩地生繁憂一杯太陰君鷦鷯豈無求明日將片  
葉三山東南泚

和西江李助副使早登開元寺閣

虛豁登寶閣三休極層構獨立天地間煙雲滿襟袖  
鰲荒初落日劍野呈綺繡秋檻祝融微陰軒九江湊拂簷  
黃姑舍錯落白榆秀倚砌天竺祠蛟龍蟠古甃翛然觀  
六合一指齊宇宙書劍忽若青雲日方晝兩朝空蒼  
莽楚澤稀耕耨萬事瀕頽波一航安可受徒云寄麟泣  
六五終難就資斧念徐生湖光隱圭竇早聞群黃鶴飄  
舉此江岫陵谷空藹然人樵已離鷺燕宮牙冠客憑覽



發清奏珠玉難嗣音  
擬轅愧孤陋

贈江西周大夫

否極生大賢九元降靈氣  
獨立正始風蔚然中興瑞淵  
淪照三古磊落涵涇渭真貌  
月懸秋雄詞雷出地具瞻  
先皇寵欲踐東華貴咫尺時  
不來千秋鼎湖淚因分三  
輔職進領南平位報政黃霸  
慙提兵呂蒙醉歲星臨斗  
牛水國嘉祥至不獨蒼生蘇  
仍兼六駟喜恭聞廟堂略  
欲斷匈奴臂刻釋自宸衷平  
戎在連帥時廢簪笏冗世  
梗忠良議邱壑非無人松香  
有私志三朝倚天劍十萬  
浮雲騎可使河曲清群公信  
兒戲滄溟用謙德百谷走

童稚禦衆付深人參籌須偉器  
他年蓬蓽賤願附鴛鴦  
翅

將歸鍾陵留贈南海李尚書

楚國有田舍炎州長夢歸  
懷恩似秋燕屢遶玉堂飛  
越酒豈不甘海魚寧無肥野  
裘醉歌舞事與初心違  
尋尋文昌公英靈世間稀  
長江浩無際龍蜃皆歸依  
賤子感一言草茅發光輝  
從來雞鳧質得假鳳凰威  
常欲討元珠青雲報巍巍  
龍門竟多故雙淚別旂旂

旅次銅山途中先寄温州韓使君

亂山滄海曲中有橫陽道  
東馬過銅梁苔華坐堪老  
鳩

鳴高崖裂熊鬪深樹倒絕壑無坤維重林失蒼昊躋攀  
寡儔侶扶接念輿阜俛仰慄嵌空無因擬靈草梯窮聞  
戍鼓魂續賴邱禱啟豁天地歸縈紆村落好悠悠思將  
徑擾擾愧商皓驅想永嘉侯應傷此懷抱

寄元孚道人

梵宇章句客佩蘭三十年長乘碧雲馬時策翰林鞭囊  
事五岳遊金衣曳祥煙高攀桐君手左倚鸞鷲肩哭玉  
秋雨中摘星春風前橫軸截洪偃憑几見廣宣爾永寤  
華胥石壁孤雲眠龍降始得偈龜老方巢蓮內殿無文  
僧騶虞誰能牽因之問楚水吊屈幾潺湲

種蘭

種蘭幽谷底四遠聞馨香春風長養深枝葉超人長智  
水潤其根仁鋤護其芳蒿藜不生地惡鳥弓已藏椒桂  
夾四隅茅茨居中央左鄰桃花塢右接蓮子塘一月薰  
手足兩月薰衣裳三月薰肌骨四月薰心腸幽人飢如  
何採蘭充饑糧幽人渴如何醞蘭為酒漿地無青苗租  
白日如羲皇不嘗仙人藥端坐紅霞房日夕望美人佩  
花正煌煌美人久不來佩花徒生光刈獲及歲蕤無令  
見雪霜清芬信神鬼一葉豈可忘舉頭愧青天鼓腹詠  
時康下有賢公卿上有聖明王無階答風雨願獻蘭一

筐

題僧院紫竹

喜遊蛟井寺復見炎州竹香靄萬丈間嘯風清獨速江  
南正霜霰吐秀弄顛頊似瑞驚堅貞如魔試金來笋非  
孝子泣文異湘靈哭金碧誰與鄰蕭森自成族新聞赤  
帝種子落毛人谷遠祖賜鷓鴣遺芳遍南陸對煙蘇麻  
醜夾澗負簞伏美譽動丹青瓌姿豔秦蜀因緣鹿識苑  
想像虵邱斲幾葉別黃茅何年依白足龍樹蟄一花砌  
瑶掃雲屋色靜曼仙花名高給孤燭青蔥太子樹灑落  
觀音目法雨每沾濡玉毫時照燭離居鸞節變樹冷金

顏縮豈念葛陂榮幸無祖父辱光搖水精串影送蓮花  
軸江鷺日相尋野鷓時寄宿幽香入茶灶靜翠入碁局  
肯羨坦上蒿自多離下菊從來道生一况伴龜藏六樓  
託巨星迴檀藥已雲矗霞杯傳縹葉羽管吹紫玉久絕  
釣竿歌聊裁竹枝曲愧生黃金地千秋為師綠

飛龍引

長洲茂苑朝夕池映日含風結細漪坐堂伏檻紅蓮披  
雕軒洞戶青蘋吹輕幌芳烟鬱金馥綺簷花簾桃李枝  
蘭苔翡翠但相逐桂樹鴛鴦恒並宿

將進酒

金樽莫倚青春健，齷齪浮生如走電。琴瑟盤傾從世珠，  
黃泥局瀉流年箭。麻姑爪頰瞳子昏，東皇肉角生魚鱗。  
靈鼈柱骨半枯朽，驪龍德悔愁耕人。周孔著龜久淪沒，  
黃蒿誰認賢愚骨。兔苑詞才去不還，蘭亭水石空明月。  
巫娥弄簫香雨收，江濱迸瑟魚龍愁。靈芝九折楚蓮醉，  
翔風一歎梁庭秋。酥凸蠻觥奉君壽，玉山三獻春紅透。  
銀鴨合鶯言待誰，隋家嶽瀆皇家有。珊瑚座上凌香雲，  
鳳臚龍炙猩猩脣。芝蘭此日不傾倒，南山白日皆賢人。  
文康調笑麒麟起，一曲飛龍壽天地。

巫山高

玉峰青靈十二枝，金母和雲賜瑤姬。花宮磊砢楚宮外，  
列仙八面星斗垂。秀色無雙又怨三峽春，風幾夢襄王獵。  
青鸞不在嬾吹簫，斑竹題詩寄江妾。飄飄散絲巴子天，  
苔裳玉轡紅霞幡。歸時白帝掩青瑣，瓊枝草草迷湘烟。  
雞鳴曲

雞聲春曉上林中，一聲驚落蝦蟆宮。一聲喚破枕邊夢，  
三聲行人煙海紅。平旦慵將百雞語，蓬鬆錦繡富陽處。  
悅君飲食長相呼，為君晝鳴下高樹。

關山月

昔年嫖姚護羌月，今見嫖姚雙鬢雪。青塚曾無尺寸歸，

錦書多寄窮荒骨百戰金瘡體沙磧鄉心一片懸秋碧  
漢帝應題破鏡時胡塵萬里婵娟隔度磧衝雲朔風起  
邊笳欲曉生青珥隴上橫吹雪色刀何年斷得匈奴臂

空城雀

古城濛濛花覆水昔日住人今住鬼野雀荒臺遺子孫  
千年飲啄枯桑根不隨海燕柏梁去應無玉環銜報恩  
近村紅果香壓枝嗷嗷黃口訢朝飢生來未見鳳凰語  
欲飛常怕蜘蛛絲斷腸四隅天四絕清泉綠蒿無恐疑

獨搖手

漢宮新鶯於蛾眉春臺豔妝蓮一枝  
迥春侍宴瑤華池

游龍千盤嬌欲飛冶袖鶯鸞拂朝曦  
摩煙裊雪金碧遺愁鴻連翮蠶曳絲  
颯還明珠掌上移仙人龍鳳雲雨吹  
朝哀暮愁引啞啞鴛鴦翡翠承宴私  
南山一笑君無辭仙娥泣月清露垂  
六官燒燭愁風斂

小笛弄

一尺玲瓏握中翠仙娥月浦呼龍子  
五夜流珠粲夢卿九清鸞倚洪崖醉  
丹穴飢兒笑風雨媧皇碧玉星星語  
虵蝎愁聞骨髓寒江山恨老眠秋霧  
綺席鴛鴦冷珠翠星流露泣誰驅使  
江南一曲罷伶倫芙蓉水殿春風起

謫仙詞

枚龍丈人病高秋羣童擊節星漢愁瑶堂鳳輦不勝恨  
太古一聲龍白頭玉氣蘭光久摧折上清雞犬音書絕  
蜺旌失手遠於天三島空雲對秋月人間磊磊浮漚客  
鸞鷲清蝶飛自隔不應冠蓋逐黃埃長夢真君舊恩澤

古鏡篇

紫皇玉鏡蟾蜍字墮地千年光不死發匣深沉古井寒  
懸臺日照愁成水海戶山窓幾梳縮菱花開落何人見  
野老曾耕太白星神狐夜哭秋天斤下國青銅旋磨滅  
迴變萬影成枯骨會待搏風雨次寥長恐莓苔蝕明月

冬夜吟

黑帝天寒愁散玉東皇海上張仙燭侯家歌舞案梨園  
石氏竇寮醉金谷魯家檐榆閣披水雪花燈下甘垂翅  
散帙高編折桂枝披沙密甃青雲地霜白溪松轉斜蓋  
銅龍喚曙咽聲細八埏螻蟻厭寒棲早晚青旂引春帝  
展轉城烏啼紫天瞳矇千騎衙樓前

錢塘對酒曲

風天鴈悲西陵愁使君紅旗弄濤頭東海神魚騎未得  
江天大笑閒悠悠嵯峨吳山莫誇碧河陽經年一宵白  
南州彩鳳為君生古獄愁蛇待恩澤三清羽童來何遲  
十二玉樓蝴蝶飛炎荒翡翠九門去遼東白鶴無歸期

金瓶梅詞話 卷五十四  
鷓鴣公子休悲悄六鰲如鏡天始老樽前事去月團圓  
琥珀無情憶蘇小

殿前生桂樹

仙娥玉宮秋夜明桂枝拂檻參差瓊香風下天漏丁丁  
牛渚翠梁橫淺清羽帳不眠恨吹笙樓烏暗驚仙子落  
步月鬢雲墮金雀蕙樓涼簟翠波空銀縷香寒鳳凰薄  
東海即為郎斟酌綺疏長懸七星杓

西川座上聽金五雲唱歌

蜀王殿上華筵開五雲歌從天上来滿堂羅綺悄無語  
喉音止駐雲徘徊管絃金石還依轉不隨歌出靈和殿

白雲飄飄席上来貫珠歷歷聲中見舊樣釵篸淺澹衣  
元和梳洗青黛眉低叢小鬢膩髮髻碧牙鏤掌山參差  
曲終暫起更衣過還向南行座頭坐低眉欲語謝貴侯  
檀臉雙雙淚穿破自言本是宮中嬪武皇改號承新恩  
中丞御史不足比水殿一聲愁殺人武皇鑄鼎登真籙  
嬪御蒙恩免幽辱茂陵弓劍不得親嫁與卑官到西蜀  
卑官到官年未周堂衡祿罷東西遊蜀江水急駐不得  
復此萍蓬二十秋今朝得侍王侯宴不覺途中妾身賤  
願持卮酒更唱歌歌是伊州第三遍唱着右丞征戍詞  
更聞閨月添相思如今聲韻尚如此何況官中年少時

五雲處處可憐許明朝道向褒中去須臾宴罷各東西  
雨散雲飛莫知處

贈別離

碧玉飛天星墜地玉劍分風交合水楊柳聽歌莫向隅  
雞鳴一石留髡醉蹄輪送客溝水東月娥揮手崦嵫峰  
巒天列嶂儼相待風官掃道迎游龍天姥剪霞鋪曉空  
滌滌大帝開明宮文鯨掉尾四海通分明瀑布收靈桐  
山妖水魅騎旋風魘夢驚魂黃瘴中借芭胡鑿入崆峒  
靈光草詔問花紅

塞下曲二首

邊頭能走馬猿臂李將軍射虎群胡伏開弓絕塞聞海  
山諳向背攻守別風雲只為坑降眾輕車未轉勳  
望湖關下戰雜虜喪全師鳥啄豺狼將沙埋日月旗牛  
羊奔去狄部落散燕耆都護凌晨出銘功瘞死屍

池塘生春草

謝公遺詠處池水夾通津古往人何在年來草自春色  
宜波際綠香異雨中新今日青青意空悲行吟人

自歸山

海嶽南歸遠天門北望深暫為青瑣客難換白雲心富  
貴老閒事猿猴思舊林清平無樂志樽酒有瑤琴



濟浙江

適越一輕艘，凌競截鷺濤。曙光金海近，晴雪玉峰高。靜  
寇思投筆，傷時欲釣鰲。壯心殊未展，登涉漫勞勞。

清源途中旅思

古來閩州道，驅羸落照間。投村礙野水，問店隔荒山。身  
事幾時了，蓬飄何日間。看花滯南國，鄉月十灣環。

南海石門戍懷古

漢家征百越，落地喪貔貅。大野朱旗沒，長江赤血流。鬼  
神尋覆族，宮廟變邱荒。唯有朝臺月，千年照戍樓。

題上人法華新院

浮名深般若，方等設蓮華。鐘唄成僧國，湖山稱法家。一  
塵多寶塔，千佛大牛車。能誘泥犁客，超然識聚沙。

南海送韋七使君赴象州任

一鶚年公子，新恩領郡符。島夷通荔浦，龍節過蒼梧。地  
理金城近，天涯玉樹孤。聖朝朱紱貴，從此展雄圖。

送沈次魯南遊

高臺贈君別，滿握軒轅風。落日一揮手，金鵝雨空鰲。  
洲石梁外，劍浦羅浮東。茲興不可接，翛翛煙際鴻。

送秦鍊師

紫府靜沉沉，松軒思別吟。水流寧有意，雲泛本無心。錦

洞桃花遠青山竹葉深不日時賣藥何路更相尋

盜城贈別

楚岬青楓樹長隨送遠心九江春水濶三峽暮雲深氣  
調桓伊笛才華蔡琰琴迢迢嫁湘漢誰不重黃金

贈別

海國一尺綺冰壺萬縷縹以君西攀桂贈此金蓮枝高  
鳥思茂樹窮魚樂洿池平生握中寶無使歲寒移

哭寶月三藏大禪師

五峰習聖罷乾竹化身歸帝子傳真印門人哭寶衣一  
囊窮海沒三藏故園稀無復天花落悲風滿鐵圍

聖帝擊壤歌四十聲

百六承堯緒艱難土運昌大虛橫三字中野鬪豺狼帝  
曰更吾嗣時哉憶聖唐英皇垂將校神嶽誕忠良鍊石  
醫元氣屠螫正昊蒼掃原鋪一德驅禊立三光大道重  
蘇恩真風再發揚芟夷踰舊跡神聖掩前王郊酒酣冥  
廓鴻恩受渺茫地圖龜負出天誥鳳銜將雜貢來山峙  
群夷入雁行紫泥搜海岱鴻筆富巖廊鷹象敷宸極寰  
瀛作瑞坊泥丸封八表金鏡照中央構殿祈麟趾開藩  
表鳳翔鑿輿親稼穡朱幌務蠶桑戎羯輸天馬靈仙侍  
玉房宮儀水菟甲門衛綠沉槍陶鑄超三古車書混萬

方時巡望虞舜蒐獸法殷湯化合謳謠滿年豐鬼域藏  
政源歸牧馬公法付神羊寶鼎無靈應金甌肯破傷封  
山昭茂績祠執荅嘉祥在昔宮闈僭仍羅羿泥跡北雞  
何讖譎獒犬漫劬勩苗禱三靈怒桓偷九族亡鯨鯢尋  
掛網魑魅旋投荒松柏霜逾翠芝蘭露更香聖謨流作  
遠仙系發源長島嶼征徭傳漪瀾汎稻梁鳧魚饜食啖  
荷薜足不裳寤寐華胥國嬉遊太素鄉鷹鷗飛接翼忠  
孝住連墻有叟能調鼎無媒隱釣璜乾坤資識量江海  
入文章野鶴思蓬關山縻憶廟堂泥沙空淬礪星斗屢  
低昂歷草何因見衢尊豈暫忘終隨嘉橘賦霄漢謁義

皇

全五代詩卷三十八

全五代詩卷三十八

羅江李調元雨村 編

南唐

陳 詞二

和容南韋中丞題瑞亭白燕白鷺六眸龜嘉蓮四

部

伏波恩信動 齒 交趾宣佈 曰 帝時鷺鼠孕靈度上德  
龜蓮增耀答 二 迴翔雪侶窈簷 處照映紅泉出水時  
盡寫風流在軒檻嘉祥從此百年知

鍾陵道中作

五代詩

卷三十八

南唐

一

原隰經霜蕙草黃  
寒鴻消息怨流芳  
秋山落照見麋鹿  
南國異花開雪霜  
煙火近通集瓠俗  
水雲深處武陵鄉  
曾逢鬻缺話  
海長憶蕭家  
王床

旅泊塗江

煙雨前江一葉微  
松潭漁火夜相依  
斷沙雁起金晴出  
孤嶺猿愁木客歸  
楚國柑橙勞夢想  
丁陵霞鶴問音微  
無因得似倉溟叟  
始憶離巢已倦飛

劍池

秦帝南巡厭火精  
蒼黃埋劍故豐城  
霸圖繚戾金龍螫  
坤道扶搖紫氣生  
星斗臥來閒窟穴  
雌雄飛去變澄泓

永懷惆悵中宵作  
不見春雷發匣聲

登寶歷寺閣

金碧高層世界空  
凭蜺長嘯八蠻風  
橫軒水壯蛟龍府  
倚棟星明牛斗宮  
三楚故墟殘燒北  
六朝荒苑斷山東  
不堪懷古勞悲笑  
安得鵬搏顯氣中

題孫章西山香城寺

十地巖宮禮竺皇  
梅檀樓閣半天香  
祇園樹老林聲小  
雪嶺花香燈影長  
霄漢落泉供月田  
蓬壺靈鳥侍雲房  
何年七七空人降  
金錫珠壇浦上方

賀容府常中丞天府賢  
新除黔南經畧

蓬瀛簪笏舊聯行紫極差池冬寵章列國山河分雁字  
一門金玉盡龍驤耿家符節朝中美表氏芝蘭閩外香  
烽戍悠悠限巴越佇聽歌詠和甘棠

贈容南韋中丞

普寧都設軍威重九譯梯航壓要津十二銅魚尊畫戟  
三千犀甲擁朱輪風雲已靜西山寇問井全移二國春  
不獨來酣笑歌詠天涯半是泣珠人

投贈福建略羅中丞

越艷新謡不厭聽樓船高臥靜南溟未聞建水窺龍劍  
應喜家山接女星三捷楷模光曲策一生封爵策丹青

皇恩幾日西歸去玉樹扶疎正滿庭

贈江南李偕副使

世祿三朝壓鳳池杜陵公子漢庭知雷封始賀棠溪劍  
花府尋遊玉樹枝幾日坐談誅叛逆列城歸美見歌詩  
從來莫厭干場醉即是金鑿龍命時

贈溫州韓使君

康樂風流五百年永嘉鈴閣又登賢嚴城鼓動魚驚海  
華屋樽開月下天內史筆鋒光案牘鄢陵詩句滿山川  
今來誰似韓家貴越絕麾幢鴈影連

贈漳州張怡使

舊德徐方天下聞當年熊軾繼清芬  
并田異政先蠻竹符節深恩隔瘴雲  
已見嘉祥生北戶嘗媿夷貊盡南薰  
幾時徵拜征西越學著縵胡從使君

贈江南從事張侍御

平南門館鳳凰毛二十華軒立最高  
幾處談天致雲雨午時文海得鯨鰲  
姁睥紫府蕭然貴職稱青錢繡服豪  
江徼無才不展銜杯終日詠離騷

謫仙吟贈道道士

汗漫東遊黃鶴雛縉雲仙子住清都  
三元麟鳳推高座六甲風雷閃小壺  
日月暗資靈壽藥山河擬作化生符

若為失意居蓬島鰲足塵飛桑樹枯

賀白真登仙

雲笈七籤云自真為道士居嵩山焚修精勤人不知其甲子一日雲鶴滿空聲樂清三飛昇而去

在東都見人瞻禮作詩曰

子晉鸞飛古洛川金桃再熟賀郎仙  
一清樂奏嵩邱下五色雲屯御苑前  
朱頂舞翻迎綵節青鬃歌對駐香輶  
誰能白晝相悲泣太極光陰幾萬年

寄兵部任暉郎中

當思劍浦別清塵荳蔻花紅十二春  
崑玉已成廊廟器澗松猶是薜蘿身  
雖同橘柚依南土終似魁罡近北辰  
好向昌時薦遺逸真教千古不靈均

閒居寄太學盧璟博士

無路青冥奪錦袍  
恥隨黃雀住蓬蒿  
碧雲夢後山風起  
珠樹詩成海月高  
久滯鼎書求羽翼  
未忘龍闕致波濤  
閒來長得留侯癖  
羅列樽前校六韜

送江西周尚書赴滑臺

楚謠襦袴整三千  
峽古新恩下九天  
天角雄都分節越  
蛟龍舊向龍樓船  
崑河已在兵鈴內  
棠樹空留鶴嶺前  
多病無因酬一頌  
鄢陵千騎去翩翩

閩中送任畹端公還京

燕臺下榻玉為人  
月桂曾輸次第春  
幾日酬恩坐炎瘴

九秋高架拂星辰  
漢庭鳳進鷓行喜  
隋國珠還水府貧  
多少嘉謀奏風俗  
斗牛孤劍在平津

經徐稚墓

邾鄒如與炎漢衰  
先生南國臥明夷  
鳳凰屢降元纁禮  
瓊石終藏烈火時  
禁掖衣冠加木鶴  
湖山耕釣沒堯師  
千年龍樹何人哭  
寂寞蒼苔內史碑

上建溪

崆峒一派瀉蒼煙  
長揖丹邱逐水山  
雲樹杳冥通上界  
峰巒迴合下閩川  
侵星愁過蛟龍國  
採碧時逢婺女船  
已判猿催鬢先白  
幾重灘瀨在秋天



冬暮旅泊廬陵

螺亭倚棹哭飄蓬  
白浪欺船白向東  
楚國蕙蘭增悵望  
番禺筐篚屢虛空  
江城雪落千家夢  
汀渚冰生一夕風  
棄置侯鯖任羈束  
不勞龜瓦問窮通

豫章江樓望西山有懷

不護星壇列太虛  
煙霓十八上仙居  
時人未識遼東鶴  
吾祖曾傳寶鼎書  
終日章江催白鬚  
何年丹竈見紅蕖  
桃花谷口春深淺  
欲訪先生赤鯉魚

續古二十八首

吳洲采芳客  
桂棹木蘭船  
日晚欲有待  
徘徊春風前

仙家風景晏浮世  
年華速邂逅  
漢武時蟠桃東海熟  
南國珊瑚樹好裁  
天馬鞭魚龍不解語  
海曲空嬋娟  
周穆恣遊幸  
橫天驅八龍  
寧知泰山下  
日日望登封  
秦國饒羅網  
中原絕麟鳳  
萬乘巡海日  
鮑魚空相送  
秦家無廟略  
遮虜續長城  
萬姓隄頭死  
中原荆棘生  
秦作東海橋  
中州鬼辛苦  
縱得跨蓬萊  
羣仙亦飛去  
隋煬棄中國  
龍舟巡海涯  
春風廣陵死  
不見秦宮花  
范子相勾踐  
滅吳成大勳  
雖然五湖去  
終愧磻谿雲  
麟鳳識翔螭  
聖賢明卷舒  
哀哉嵇叔夜  
智不及鷄鷩  
戰地三尺骨  
將軍一身貴  
自古苦吊冤  
落花少于淚

楚國千里早土龍日已多九穀竟枯死好雲間嗟峨  
 漢家三殿色恩澤若飄風今日黃金屋明朝長信宮  
 南園杏花發北渚梅花落美女妬西施容華日銷鑠  
 山雞理毛羽自古勝鳥鳶一朝逢鸞鷲羞死南海邊  
 秦王卷不貴本自倡家子金殿一承恩貂蟬滿鄉里  
 魏宮薛家女秀色傾三殿武帝鼎湖歸一身似秋扇  
 嬋娟越機裏織得雙棲鳳慰此殊世花金梭忽停弄  
 學古三十載猶依白雲居每覽班超傳令人慵讀書  
 雄劍久濩落夜吟秋風起不是嬾為龍此非延平水  
 朝為楊柳色暮作芙蓉好春風若有情江山相逐老

大堯登寶位麟鳳煥宸居海曲沾恩澤還生比目魚  
 生值揖遜歷長歌東南春釣鰲年三十未見天子巡  
 軒轅承化日群鳳戲池臺大樸衰喪後仲尼生不來  
 大道歸孟門蕭蘭日爭長想得巢居時碧江應無浪  
 兀兀蓬舍下慕君麒麟閣笑殺二子喬寒天乘白鶴  
 杳杳巫峽雲悠悠漢江水愁殺幾少年春風相憶地  
 景龍臨太極五鳳當庭舞誰仁壁間梭升天作雲雨

閩南唐雅又載一首云曾夢諸侯笑康因議  
 脫柳千根地底藕一朵火中花似鴛作附記

永嘉贈別

芳草溫陽客歸心浙水西臨風青桂檝幾日白蘋溪

長相思

欲唱元雲曲知音復誰是採掇情未來臨池畫春水

水調詞十首

黠虜迢迢未肯和五陵年少再橫戈誰家不結空閨恨  
玉筋闌干妾最多

羽管慵調怨別離西園新月伴愁眉容華不分隨君去  
獨有粧樓明鏡知

憶餞良人玉塞行梨花三見換啼鶯邊場豈得勝閨閣  
莫逞瑠弓過一生

惆悵江南早雁飛年年辛苦寄寒衣征人豈不思鄉國

只是皇恩未放歸

水閣蓮開燕引雛朝朝攀折望金吾聞道磧西春不到  
花時還憶故園無

自從清野戍遼東舞袖香銷羅幌空幾度長安發梅柳  
節旄零落不成功

長夜孤眠倦錦衾秦樓霜月若邊心征人一倍裝綿厚  
猶慮交河雪凍深

瀚海長征古別離華山歸馬是何時仍聞萬乘尊猶屈  
裝束干嬌嫁郅支

沙塞依稀落日邊寒宵魂夢怯山川離居漸覺笙歌懶

君逐嫖姚已十年

萬里輪臺首信稀  
傳聞移帳護金微  
會須麟閣留蹤跡  
不斬天驕莫議歸

隴西行四首

漢主東封報太平  
無人金闕議邊兵  
縱饒奪得林胡塞  
磧地桑麻種不生

誓掃匈奴不顧身  
五千貂錦喪胡塵  
可憐無定河邊骨  
猶是春閨夢裏人

隴戍三看塞草青  
樓煩新替護羌兵  
同來死者傷離別  
一夜孤魂哭舊營

黠虜生擒未有涯  
黑山營陣識龍蛇  
自從貴主和親後  
一半胡風似漢家

子規思

春山杜鵑來幾日夜  
啼南家復北家  
野人聽此生惆悵  
恐畏踏落東園花

古意

麻姑井邊一株杏花開  
不如古時紅西鄰  
蔡家十歲女  
年年二月嗔東風

閒居雜興五首

虞韶九奏音猶在  
只是巴童自棄遺  
閒臥清秋憶師廣

好風搖動古松枝

一顧成周刀有餘白雲閒釣五谿魚中原莫道無麟鳳

自是皇家結網疎

長愛真人王子喬五松山月伴吹簫從他浮世悲生死

獨駕蒼麟入九霄

越里娃童錦作襦艷歌聲壓郢中姝無人說向張京兆

一曲江南十斛珠

雲堆西望賊連營分閫何當舉義兵莫道羔裘無壯節

古來成事盡書生

夏日懷天台

竹齋睡餘初覺清麟鳳誇我勞此生忽憶天台掩書坐  
澗雲起盡紅崢嶸

鍾陵秋夜

洪崖崩上秋月明野客枕底章江清蓬壺官闕不可夢  
一一入樓歸雁聲

吳興秋思二首

不是苕溪厭看月天涯有程雲樹涼何意汀洲剽風雨  
白蘋今日似瀟湘

日夕鯤魚夢南國苕陽水高迷渡頭故山秋風憶歸去  
白雲又被王孫留

古蓮塘

闔闔官娃能采蓮明珠作佩龍為船三千巧笑不復見  
江頭廢苑花年年

投贈福建桂常侍二首

後來台席更何人都護朝天拜近臣長筵當時漢卿士  
等閒思澤畫麒麟

匝地歌鐘鎮海隅城池鞅掌舊名都不知珠履三千外  
更許侯嬴寄食無

酬元孚上人

一衲淨居雲夢合秋來詩思祝融高何因知我津涯濶

遠寄東溟六巨鰲

答蓮花妓

近來詩思清於水老大心情薄似雲已向昇天得門戶  
錦衾深愧卓文君

鏡道人吹簫

金欄白的苦參差雙鳳夜伴江南樓十洲人聽玉樓曉  
空向千山桃杏枝

竹十一首

不厭東谿綠玉君天壇雙鳳有時聞一峰曉似朝仙處  
青節森森倚絳雲

萬枝朝露學瀟湘  
杳靄孤亭白石涼  
誰道乖龍不行雨  
春雷入地馬鞭狂

須題內史琅玕塢  
幾醉山陽琴瑟村  
剩養萬莖將掃俗  
莫效凡鳥鬧雲門

一谿雲母間靈花  
似到封侯逸士家  
誰識雌雄九成律  
子喬丹井在深涯

嘯入新篁一里行  
萬竿如鑿鎖龍泓  
驚巢翡翠無尋處  
閒倚雲根刻姓名

燕燕雖時紫米香  
野溪羞色過東牆  
諸兒莫拗成蹊筍  
從結高籠養鳳凰

青嵐篔簹亞思吾  
祖綠潤偏多憶蔡邕  
長聽南園風雨夜  
恐生鱗甲盡為龍

迸玉閒抽上釣磯  
翠苗番次脫霞衣  
山童泥乞青驄馬  
騎過春泉掣手飛

一節呼龍萬里秋  
數莖垂海六鯨愁  
更須瀑布峯前種  
雲裡闌干過子猷

邱壑誰堪話碧鮮  
靜尋春譜記嬋娟  
會當小殺青瑤簡  
圖寫龜魚把上天

元圃千春閉玉叢  
淇陽一祖碧雲空  
不須騷屑愁江島  
今日南枝在國風

蜀葵詠

綠衣宛地紅倡倡薰風似舞諸女郎南隣蕩子婦無賴  
錦機春夜成文章

泉州刺桐花詠六首兼呈趙使君

海曲春深浦郡霞越人多種刺桐花可憐虎竹西樓色  
錦帳三千阿母家

石氏金園無此艷南都舊賦乏靈材只因赤帝宮中樹  
丹鳳新銜出世來

猗猗小艷夾通衢晴日薰風笑越姝只是紅芳移不得  
刺桐屏障滿中都

不勝攀折悵年華紅樹南看見海涯故國春風歸去盡  
何人堪寄一枝花

赤帝當年海上遊三千幢蓋擁炎州今來樹似離宮色  
紅翠歌斜十二樓

鬢髻三株植世間風光滿地赤城閒無因秉燭看奇樹  
長伴劉公醉玉山

僊人詞二首

小隱山人十洲客莓苔為衣雙耳白青編遺我忽隱身  
暮雨虹蜺一千尺

赤城門開六丁值曉日已燒東海色朝天半夜聞玉雞



星斗離離礙龍翼

春日行

鷓鴣初鳴洲渚滿  
龍蛇洗鱗春水煖  
病多欲問山寺僧  
湖上人傳石橋斷

春歸去

九十春光在何處  
古人今人留不住  
年年白眼向黔婁  
惟放蟬螿飛上樹

臨風歎

芙蓉樓中飲君酒  
驪駒結言春楊柳  
豫章花落不見歸  
一望東風堪白首

吳苑思

今人地歲古人骨  
古人花為今人發  
江南何處葬西施  
謝豹空聞采香月

南昌途中

古道夤緣蔓黃葛  
桓伊冢西春水濶  
村翁莫倚橫浦罾  
一半魚鰕屬鷓獮

閩川夢歸

千里潺湲建谿路  
夢魂一夕西歸去  
龍舫欲上巴獸灘  
越王金雞報天曙

題徐穉湖亭

全五言  
卷五  
伏龍山橫洲渚地人如白蘋自生死洪崖成道二千年  
唯有徐君播青史

宿天竺寺

一宿何期此靈境五粒松香金地冷西僧示我高隱心  
月在中峰葛洪井

贈野老

何年種芝白雲裏人傳先生老萊子消磨世上名利心  
澹若巖間一流水

送謝山人歸江夏

黃鶴春風二千里山人佳期碧江水携琴一醉楊柳堤

日暮龍沙白雲起

江上逢故人

十年蓬轉金陵道長哭青雲身不早故里相逢盡白頭  
清江顏色何曾老

雙桂詠

青冥結根易傾倒沃州山中雙樹好瑠璃宮殿無斧聲  
石上蕭蕭伴僧老

朝元引四首

帝燭熒煌下九天蓬萊宮曉玉爐烟無央鸞鳳隨金母  
來賀薰風一萬年

玉殿雲開露冕旒下方珠翠壓鰲頭天鷄唱罷南山曙  
春色先歸十二樓

萬寓靈祥擁帝居東華元老薦屠蘇龍池遙望非烟拜  
五色瞳矐在玉壺

寶祚河宮一向清龜魚天篆益分明近臣誰獻登封草  
五岳齊呼萬歲聲

全五代詩卷三十九

羅江李調元雨村編

南唐

陳 贇

貺闕人隱廬山三十年李璟聘至授以江州曹

椽固辭賜粟帛遣還山年七十五卒

十國春秋貺善成章已播遠近學者多誦事之元宗召見獻景陽宮懷古詩元宗稱善吟意雖錄貺咏蠟云年年聞爾者未有不傷情画虎云入夜雖無傷物意向明還看動人心又有句云出得風塵者合知吸路人又云拂榻燈未來開門月先入忽生雲是匣高以月為甚

景陽其甚懷古

景陽六朝地運極自依依一會皆同是到頭誰論非酒

濃深遠慮花好失前機見此尤宜戒正當家國肥

江為

為宋州人避亂家建陽遊廬山師陳旣為詩有

集

細素雜記為王詩如天形圍澤國秋色露人家之句極膾炙人口少

遊江南題白鹿寺詩云吟坐蕭寺梅檀閣醉倚王家玳瑁筵

後主見之曰此人太是富貴家而劉夜坐夏江城等並就傳句法後

唐書為題白鹿寺詩元宗稱善由是放肆自謂俯拾青紫乃詣

金陵求舉屢黜于有司為快快不能自已欲東亡遂會同謀者

上變伏罪楊徽之哭江為詩云廢宅寒塘水荒墳宿草煙 五代

觀山水陣歌

史補為在福州有故人欲投吳越為與草表事發并誅臨刑詞色不撓

賦詩云街鼓侵人急西傾日欲斜黃泉無旅店今夜宿誰家 紫桃

軒雜綴江為詩竹影橫斜水清淺桂香浮動月黃昏林君復陽二

字為跡影暗香以咏梅遂成千古絕調詩字

點化之妙譬如仙者丹頭在手瓦礫俱金矣

適來一觀山水障萬里江山在其上遠近猶如二月春  
咫尺分成百般象一岩嵯峨入雲際七賢鎮在青松裏  
潭水澄泓不見波孤帆滉漾張風勢釣魚老翁無伴侶  
子然此地輕寒暑灘頭坐久鬢絲垂手把魚竿不曾舉  
樹婀娜山崔嵬片雲似云又不去雙鶴如飛又不飛良  
工巧匠多分布筆頭寫出江山頭垂柳風吹不動條樵  
人負重難移步

旅懷

迢迢江漢路秋色又堪驚半夜聞鴻雁多年別弟兄高  
風雲影斷微雨菊花明欲寄東歸信襄回無限情

江行

越信隔年稀孤舟幾夢歸月寒花露重江晚水煙微峰  
直帆相望沙空鳥自飛何時洞連上春雨滿蓑衣

登潤州城

天末江城晚登臨客望迷春潮平島嶼殘雨隔虹霓鳥  
與孤帆遠煙和獨樹低鄉山何處是目斷廣陵西

岳陽樓

倚樓高望極展轉念前途晚葉紅殘楚秋江碧入吳雲  
中來雁急天末去帆孤明月誰同我悠悠上帝都

送客

明月孤舟遠吟髭鑷更華天形圍澤國秋色露人家水  
館螢交影霜洲橘委花何當尋舊隱泉石好生涯

塞下曲

萬里黃雲凍不飛磧煙烽火夜深微胡兒移帳寒笳絕  
雪露時聞探馬歸

隨堤柳

錦纜龍舟萬里來醉鄉繁盛忽塵埃空餘兩岸千株柳  
雨葉風花作恨媒

劉洞

洞廬陵人學詩於陳貺隱居廬山後主召見獻

詩百篇有集

馬書本傳洞詩長于五言自號五言金城後主即位詣金陵獻詩百篇首篇石城懷古云云後

主掩卷改容不復讚其餘老與同門夏竦松善既嘗謂已詩埒賈島洞亦自言有浪仙之體恨不得與之同時言詩也金陵受圍為詩

署于路旁曰千里長江皆渡馬十年養士得何人又云翻憶潘郎童奏內陰陰日暮好沾巾初藩佑表曰家國陰陰如日將暮洞以譏之南

唐書云夏竦松與詩人劉洞俱顯名節度使陳德誠以詩美之曰建水舊傳劉夜坐螺川新有夏江城蓋劉洞常有夜坐詩云百骸同草

木萬象入心靈又云孤猿叫落中巖月夜客吟殘半夜燈最為警策而竦松有宿江城詩云雁飛南浦初斷月滿西樓酒半醒又云曉

來羸軀依前去目斷遙山數點青皆佳句調元按五代詩多散逸不見全首者甚多如劉夜坐夏江城以詩得名而皆不得窺其全豹殊為

可惜其他散見諸書者片鱗隻羽殊不忍棄附見于此其他各國俱以此例鈔附以備博覽江表志云晉景遠先主第三子赴潤州鎮謝

餞詩云路指丹陽分虎節心存雙闕戀龍顏又李宏茂字子松元宗第二子早卒封慶王有咏雪句云甜于泉水茶須信狂似楊花蝶未

知病中云半牕月在猶煎藥幾夜燈閑不照書雅言系述李平閑石人讀武帝內傳云龍髯已斷嬪嬙老豹尾不來岐路長閑書云至人

無夢並不到天道畏盈盈有餘道山新聞唐錄李後主宮嬪官娘纖麗善舞後主作金蓮高六尺飾以寶物細帶瓔珞令宮婢以帛

繞足令織小扇上作新月以素襪舞蓮中回旋有凌雲之態唐鎬詩曰蓮中花更好雲裏月長新因宵娘作也鑑戒野錄庸仁傑全州人

好苦吟陳德誠出守池陽仁傑貽詩云紅旆渡江霞蘸水青萍出匣吐侵衣德誠善之勉之入金陵會休沐朝上集昇元寺酒行請仁傑賦登

閣詩有句云雲散便宜千里望日長斜占半城陰常贈嘉禾寺僧云只住此山能有意向來求佛本無心時論與之又高仁短宣城人贈宣城

宰云硯貯寒泉碧庭堆敗葉紅贈徐學士云燕掠琴絃穿靜院吏收詩草下閒庭叢苑劉吉江左人事李主為傳詔承旨以忠于所事歸朝

供奉嘗有刺自稱南人不忘本也有詩三百首且為釣鰲集徐鉉為序其首篇隱者詩云一箭不中鵠五湖蹄釣魚人多誦之以塞河有方人

目為劉跋河雅言系述將釣字不盡營道人與劉洞陳甫為詩友寄柳宣云因借夢詩過竹寺學耕秋粟遠郊原戎昱詩有一夜不眠孤客目

主人門外有芭蕉釣代答曰芭蕉葉上無愁雨自是多情聽斷腸又陳甫字維岳吉水人贈黃岩云清時不作登龍客綠鬢閑梳傍草堂潼

江感懷云一雨洗殘暑萬家生早涼村居云暮鳥歸巢急寒牛下隴遲詩史朱勰仕江南縣令甚踈逸有詩云好是晚來香雨裏擔簦登

親送綺羅人李璟聞之處以閒曹又有僧庭實獻詩云吟中雙鬢白笑裏一生貧景曰詩以言志終是寒薄東帛遺之撫言任濤豫章

人詩名一著有露團沙鶴起人卧釣船流他皆仿此李膺庶問江西與放鄉里之役民俗互有論列膺判曰江西界內凡有詩得似膺者即與

免役馬書本傳毛炳豐城人廬山每與諸生曲講獲賞錄即市酒盡醉時彭會好茶而炳好酒或嘲之曰彭生說賦茶三片毛氏傳經酒半斤炳聞之小哂而已後數年自署于齋壁云先生不在此千載只空山一夕大醉卒十國春秋胡元龜廬陵人常謁色令幃閣繪戲珠龍屬元龜詠之時令多所受貽元龜題句云翻身騰白浪探爪攫元珠蓋諷之也馬書本傳卻杜宣城人孤峭不撓博通經史飲酒常至百盞有詩三百篇尚書郎孫邁為之序命曰廬嶽集水曹郎趙慶以詩貽之曰邁古文文章金鸞鸞出羣行止玉麒麟時悼其苦學子能文而不得達于名位或議其詩有萬國未得雨孤雲猶在山之句斯為應矣南唐近事黃可南唐進士字不可詩句中多用驢字嘗有獻高侍郎詩云天下傳將舞馬賦門前迎得跨驢賓江南野錄陳穎南昌縣人業進士題漢祖廟云項羽英雄猶不懼可憐客得辟陽侯得狂病而卒詩話總龜吳淑字正儀潤州丹陽人仕南唐為內史歸宋薦試學士院授大理評事預修太平御覽文苑英華累遷起居舍人職方員外郎卒有文集事類賦注異人錄秘閣詞談荆南未昂晚以工侍乞骸骨真宗賜詔詔留俸秋涼還故吳淑贈詩云漢殿夜涼初閣筆渚宮秋晚得懸車吟窗雜錄趙休幸黃遜同時人有侍宴句云金莖采白露王宇起清風一郡閣雅談潘天錫南唐時為省郎有游古觀句云風便磬聲濤斜樓影長紀事王璘與李羣玉相遇嶽麓羣

石城懷古

石城古岸頭一望思悠悠幾許六朝事不禁江水流

許堅

堅字介石廬江人有異術嘗往采廬阜茅山間

李璟時以異人名不至後不知所終郡閣雅談堅遇

遠近必到乘興只三五杯便去性嗜魚將魚火上旋炙熟處即喫生處復炙殊不去其鱗腸每和巾帶入溪澗內浴度日浸身出水即于風帛

坐候乾其衣服多有腥氣人惡之或有人與物忻然而受將散與公署者多于夢中吟詩宿漂陽縣靈泉精舍僧出白字韻請留詩對榻見

其睡熟至晚起出七言詩近枕吳溪與越峯云云太平興國九年自茅山再遊廬山于方先生房內安下至夜深常與數人談笑人疑聽堅已

知之高聲云不得來今在洪州西山或吉州玉笥山雅言雜載堅性

藪野似非今之人年高絕不知曉人事少言人不問終日不啟口多居三

玉待之甚淺曰詩與公聯句破題而投之璘畧不佇思繼之云云羣玉遂屈芍藥花開菩薩面樓閣葉散野人頭羣玉遂服

茅山不知年歲形容不變好殮魚能為詩多談神仙事有題扇詩云吟哦但寫胸中妙飲酒能忘身後名但願長閑有詩思小溪風月共清明早年堅以時事干江南李氏人訝其狂慙以為風恙莫與之禮一絕上舍人徐鉉云云因拂衣歸隱至今尚在隱迹江淮間吟窓雜錄堅有句云道既學不得仙從何處來又病鶴云卧久似慵伸雪項立遲猶未整霜衣一國春秋保大時以異人名堅堅取其名不起題幽棲觀云云與樊若水善勉以仕不應後不知其所在

### 題幽棲觀

仙翁上昇去丹井寄晴徑山色接天台湖光照寥廓玉洞絕無人老檜猶棲鶴我欲掣青蛇他時冲碧落

### 遊溧陽霞泉寺限白字

地枕吳溪與越峯前朝恩錫靈泉額竹林晴見雁塔高石室幽棲幾禪伯荒碑字沒秋苔深古池香泛荷花白

客有經年說別林落日啼猿情脈脈

### 題茅山觀

常恨清風千載鬱洞天令得恣遊遨松楸古色玉壇靜鸞鶴不來青漢高茅氏井寒丹已化苑宗碑斷夢仍勞分明有個長生路休向紅塵嘆六毛

### 登游齊山

星使南馳入楚重此山偏得駐行蹤落花滿地月華冷寂寞舊山三四峯

### 上舍人徐鉉

幾宵煙月鎖樓臺欲寄侯門薦下才滿面塵埃人不識



謾隨流水出山來

譚峭 一作譚紫霄

峭字景升國子司業洙之子博涉經史屬文清  
麗洙訓以進士業而峭酷好黃老書辭父遠遊  
師嵩山道士得辟穀養氣之術後入青城山仙

去 十國春秋峭過金陵見齊邱在峭山化書以授齊邱齊邱利其書虐峭以酒醉裹以革囊投之淵有漁人剖之峭睡正濃曰吾睡囊中得大休歇

大言詩

線作長江扇作天鞞鞞拋向海東邊蓬萊信道無多路  
只在譚生拄杖前

藍采和

采和不知何時人常衣破藍衫六銖黑木腰帶  
一脚著鞞一脚跣行夏則衫內加絮冬則卧於  
雪中氣出如蒸每行歌城市乞索拍大拍板踏  
歌似狂非狂歌詞極多率皆仙意以錢與之或  
散失亦不顧見貧人即與之多與酒家後踏歌  
於濠梁間酒樓乘醉輕舉雲中擲鞞衫腰帶拍  
板冉冉而去

踏歌

踏歌踏歌藍采和世界能幾何紅顏三春樹流年一擲  
梭古人混混去不返今人紛紛來更多朝騎鸞鳳到碧

落暮見桑田生白波長景明暉在空際金銀宮闕高嵯峨

元寂

寂號酒禿高駢族子

馬之書寂博極羣書後主名講華嚴梵行一品資金帛甚厚即日送酒家

日夜劇飲醉則從小兒數十浩歌道云一日醉死石子岡

醉歌

酒禿何榮何辱但見衣冠成古邱不見江河變陵

谷

若虛

若虛南唐僧隱廬山石室李主累徵不就

懷廬山舊隱

九疊嵯峨倚著天悔隨寒瀑下巖烟秋深猿鳥來心上  
夜靜松杉到眼前書架想遭苔蘚裏石窓應被薜蘿纏  
一枝筇竹游江北不見爐峯三十年

樂仙觀

樂比騎龍上碧天東吳遺宅尚依然悟來大道無多事  
真後丹元不值錢老樹夜風蟲咬葉古垣春雨蘚生甄  
松傾鶴死桑田變華表歸鄉未有年

古鏡

軒后紅爐獨鑄成蘚痕磨落月輪沉萬般物象皆能鑒

五言古詩 卷三  
一個人心不可明匣內乍開鸞鳳活臺前高挂鬼神驚  
百年肝膽堪將比祇怕看頻素髮生

文益

文益餘杭魯氏子七歲依陸州僧全偉落髮窮  
儒與李璟延住報恩寺賜號淨慧禪師交泰元  
年坐化起塔號法眼禪師塔名無相後三命其

弟子行言為導師開法謚大智藏大導師

十國春秋本平

和尚知人禍福死生挂木瓶於杖頭能引瓶自蔽元宗不能見慶王尚  
幼元宗問壽命幾何木平書九十一字與之後慶王得年十九乃知平  
九十而為十九也

文益有詩云云

觀木平和尚

木平山裏人貌古年復少相看陌路同論心秋月皎懷  
衲線非蠶助歌聲有鳥城關今日來一謳曾已曉

无則

无則五代時人為法眼文益禪師弟子

鷺鷥

白蘋紅蓼碧江涯日暖雙雙立睡時願揭金籠放歸去  
却隨沙鶴鬪輕絲

百舌鳥二首

千愁萬恨過花時似向春風怨別離若使衆禽俱解語  
一生懷抱有誰知

長截鄰鷄叫五更數般名字百般聲饒伊搖舌先知曉也待青天明即鳴

行因

行因居廬山佛手巖後王名居棲賢寺

碎寒錄李氏詔行因

居棲賢寺一夕大雪逃歸舊隱廬山嘗煮茶延僧托岩扉立化作偈云云

偈

前朝詔住棲賢寺雪夜逃居岩石間想見煮茶延客處直緣生死不相關

謙光

謙光金陵人一號法眼

五代史補謙光素有才辨李後主禮之宋太祖將問罪江南後主用

謀臣計欲抗王師法眼禪師謙光觀牡丹於大內因作偈諷之云云又見冷齋夜話

賞牡丹應教

擁袖對芳叢由来事不同鬢從今日白花似去年紅艷異隨朝露馨香逐曉風何須對零落然後始知空

南唐寺僧

江南野錄李昇受禪之初忽半夜寺僧撞鐘一城皆驚召將斬之云夜來偶得月詩乃云云李昇喜而釋之

月

徐徐東海出漸漸上天衢此夕一輪滿清光何處無

西山僧

中山詩話洪州西山與滕王閣相對過客多留詩有僧覽之告郡守曰詩無佳者何不去之守愕然曰能作佳句乎僧即隨口吟云云

西山

洪州太白方積翠何穹蒼萬古遮新月半江無夕陽

陳玉蘭

寄夫王駕

夫戍邊關妾在吳西風吹妾妾憂夫一行書信千行淚  
寒到君邊衣到無

薛媛

薛媛濠梁人南楚材妻

寫真寄夫

雲漢友議南楚材旅遊陳受頌牧之眷欲以女妻之楚材許諾因託言訪道不復返藉薛媛善畫妙屬文微知其意對鏡圖形為詩寄之楚材大慙遂歸借老里人為語嘲之云  
當時婦棄夫今日夫棄婦若不逞丹青空房應獨守

欲下丹青筆先拈寶鏡寒已經顏索寞漸覺鬢凋殘淚  
眼描將易愁腸寫出難恐君渾忘却時展畫圖看

韓續姬

姬失其名氏

全唐詩話南唐僕射韓續請韓熙載撰父神道碑奉一歌妓潤筆文成但叙譜系品秩續乞改竄熙載還其所贈姬因題詩泥金帶而去南唐近事嚴續相公歌妓唐錦給事通犀帶此一代尤物兩夜相府有呼盧之會唐適與焉嚴命出妓解帶較勝於一擲六骰數巡唐采大勝唐乃酌酒命所出美人歌一曲以別相君宴罷拉而僧去嚴悵然進之與此互異

贈別

風柳搖搖無定枝陽臺雲雨夢中歸他年蓬島音塵絕  
留取樽前舊舞衣

蓮花妓

妓豫章人

五代詩話陳陶隱南昌西山鎮師嚴守嘗遣妓侍陶陶不顧因求去獻詩云云

獻陳陶處士

蓮花為號王為腮珍重尚書遣妾來處士不生巫峽夢  
虛勞神女下陽臺

徐月英

月英江淮間妓有集行世

全唐詩話月英有句云燈前淚與階前雨隔箇窗兒滴到明

叙懷

為失三從泣淚頻此身何用處人倫雖然日逐空歌樂  
長羨荆釵與布裙

送人

惆悵人間萬事違兩人同去一人歸生憎平望亭前水  
忍照鴛鴦相背飛

江南文士

題童氏

畫和畫譜童氏江南人莫詳其世系以婦人而能丹青故嘗時指紳家婦女往往求寫照焉有文士題童氏畫詩云云

林下才華雖可尚筆端人物更清妍如何不出深閨裏  
能以丹青寫外邊

南唐樂人

詩

紫桃軒雜記史稱曹彬下江南不妄殺一人然金陵有樂官山相傳城下之日軍營開宴南唐樂人數輩大慟奏不成曲怒而殺之聚埋山有南唐樂人詩云云觀此何得稱不妄殺耶

城破轅門宴賞頻伶倫執樂淚沾巾駢頭就死緣家國  
愧殺南歸結綬人

南唐漁者

歌王壺清話南唐元宗時一漁者持蓑笠綸竿擊短板唱漁家傲其言為鳴榔之聲以參之自號回同客人疑為呂洞賓言清悲如烟波間聽者無厭云云唱於金陵凡半年了無悟者里巷村落皆歌焉元宗果以甲戌二月殂於正寢魚兒乃向所謂鯉魚也歌中之語皆驗焉

二月江南山水路李花零落春無主一箇鯉魚無着處

風兼雨玉龍生甲歸天去

木客

詩學圃遺蘇徐鉉帖鄱陽山中有木客秦時造阿房宮者食木寔得不死時下山就民間取酒為詩云云

酒盡君莫沽壺傾我當發城市多器塵還山弄明月

無名氏

詩

江上檣竿一百尺山中樓臺十二重山僧樓上望江上

指點橋竿笑殺儂

仙人未必便仙去還在人間人不知手把白鬚從兩鹿

相逢却問姓名誰

後主煜鬼

亡後見形詩

詩話總編賈魏公烹尹日忽有人來展刺謁曰前江南國主李煜相見則清瘦道士耳公曰太師已物故何得及此曰某幼探釋氏未達誤有所見今為獅子國王偶思鍾山而來懷中取一詩授公云云公讀之隨手仄滅

異國非所志煩勞殊清閑驚濤千萬里無乃見鍾山

鍾輻妻

怨詩

江南野錄鍾輻金陵才生氣豪體傲一老僧相之曰先輩壽則有矣若及第則家亡記之輻大詩曰五方撥高第以起家何亡之有時樊若水女才質雙盛愛輻之才妻之始燕爾科詔遂下時後周都洛輻入洛應書果中選甲科第二得意不還携一女僕曰青箱過華州之蒲城

其宰故人亦醞藉士淹留久之一夕追涼縣樓痛飲而卧青箱侍之是夕  
夢其妻出一詩為示云云怨頗深輻夢中懷愧亦答一詩曰還吳東下過  
蒲城樓上清風酒半醒想得到家春欲暮海棠千樹欲凋零既寤頗厭之  
因理歸裝將至采石青箱暴卒輻悼歎無奈匆匆葬於一新墳之側急  
圖到家則門巷空聞妻已亡數月其亡日乃夢於縣樓之夕也後數日親  
友具舟携輻致奠於葬所即青箱藁葬之側新墳乃是惟海棠數樹方葉  
凋萼謝正合詩中之句因拈膺長慟曰信乎浮屠師及第家亡之告  
因不仕隱鍾山著書守道壽八十餘潘佑集有樊氏墓誌與此稍同

楚水平如練雙雙白鳥飛金陵幾多地一去不言歸

耿玉真

詩南唐書盧絳病疴夢白衣麗人贈詩一首云云又歌菩薩蠻詞以勸酒  
詩曰玉京人去秋蕭索画簷鵲起梧桐落敲倚悄無言月和清夢圓燈  
唯暗泣甚處砧聲急眉黛小山攢芭蕉生暮寒歌罷教以食蔗即愈  
果差又夢曰妾乃玉真也他日當貴相見於孟家坡後入宋臨刑有白衣  
婦人同斬宛如所夢問其姓名曰耿玉真其地則孟家坡也古今詩話眉  
黛遠山攢芭蕉生暮寒此詞人能道之而楊文公云獨自凭闌干衣襟生暮寒  
未知孰是

清風明月夜深時箕帚盧郎恨已遲他日孟家坡上約  
再來相見是佳期

田達誠借宅鬼

詩稽神錄廬陵有賈人田達誠富于財物頗以周給為務治第新成有夜  
也此居龍泉舍為暴水所漂求寄居家治舍畢乃去耳達誠不許曰人豈可  
與鬼同居耶對曰暫寄居耳無害于君且以君義氣聞於鄉里故告耳達誠  
許之因曰當止我何所達誠曰惟有廳事耳辭謝而去數日復來曰吾家已  
至廳中亦無妨君賓客然亦嚴整家中人慎火萬一不虞或當云吾等所為  
也達誠亦虛其聽以付之達誠嘗為詩鬼忽空中言曰君乃能詩耶吾亦嘗  
好之可唱和耳達誠即具酒置紙筆於前談論無所不至眾目視之酒與紙  
筆儼然不動試暫迴顧則酒已盡字已著紙矣前後數十篇皆有意趣筆亦  
勁健作柳體或問其姓字曰吾偽言之將不益於主人可詩以寄言也乃賦  
詩云云象皆不喻一日復告曰吾有少子婚樟樹神女以其日成禮復欲借居  
後堂三日以終君大惠可乎達誠亦虛其堂以幕帷之三日復謝曰吾事訖矣  
還君此堂主人之恩可謂至矣然君家老婢集可於口一百也達誠辭謝即召婢答  
數下見曰使之知過可止矣達誠徐問其婢云曾穴幕窺視見賓客男女厨膳



花燭與人間不殊後感餘乃辭謝而去達誠以事至廣陵久之不歸其家憂之鬼復至曰君家夢主人耶吾將省之翌日乃還曰主正在揚州也無恙行當歸矣新納一妾與同寢吾燒其帳後幅以戲之耳大笑而去達誠歸問其事皆同後至龍泉訪其居亦竟不獲

天然與我亦靈通還與人間事不同要識吾家真姓氏  
大字南頭一段紅

天祐中江南童謡五代史補李昇本為徐溫所養為左僕射知政事代徐知以徐溫卒江南遂為昇有先是童謡

云東海鯉魚飛上天東海即徐之望也李者鯉也蓋言昇自溫家起而為君耳又十國春秋武義元年又有童謡云云知誥本姓李後虎此謡

江北楊花作雪飛江南李樹玉團枝李花結子可憐在  
不似揚花無了期

真人謡全唐詩唐末民間有此謡元宗因名其子為宏冀以應之

有一真人在冀川開口持弓向外邊子子孫孫萬萬年

後主時童謡南唐近事解此謡云娘謂後主再聚周后豬狗死謂祚盡也

年也

索得娘來忘却家後園桃李不生花  
豬兒狗兒都死盡  
養得貓兒患赤瘕

昇元殿基下石記全唐詩話其後李煜降於宋好事者云煜以丁酉年生辛酉年襲位即鷄也開寶八年甲戌江

南國滅是跨犬也時曹彬為大將列柵城南潘美為副將城陷恐有伏兵命卒縱火子建極也安仁美也東鄰謂錢俶也以戊寅年入朝盡獻浙西土地

人氏故末二句云云末二句一作東鄰家道關隨虎遇明興識者云家道開無錢

莫問江南事江南事可憑抱鷄升寶位跨犬出金陵  
子建司南位安仁秉夜燈東鄰嬌小女騎虎渡河水

江州風墜詩全唐詩話南唐胡則守江州宋師攻之堅壁不下忽有旋風吹片紙墜城中云云後城陷果屠戮殆盡先是有錢

處士不知何許人天祐末嘗遊江淮言李氏之祚云髮鬚之間一倍楊楊氏自稱尊至禪代二十年李氏三十九年果應

由來秉節世無雙  
獨守孤城死不降  
何似知機早回首  
免教流血滿長江

廣陵古冢石刻 全唐詩南唐保大中廣陵理城隍因及古冢得此

日為箭兮月為弓  
四時躬人兮無窮  
但得天將明月死  
不覺人隨流水空  
山川秀兮碧穹窿  
崇夫人墓兮直其中  
猿啼鳥嘯烟濛濛  
千年萬年松柏風

硯滴銘 研比雜志李仲芳家一有南唐金銅磨除硯滴車厚奇古腹下有篆銘云云

捨月窟左伏槩左几右為我用左後貯清泚右後端溪石澄心

紙領下左各三字陳元氏毛錐子腹兩旁各三字同列無譁聽驅使微吾酒

澤烏用汝 腹下兩旁各七字

夢中語 南唐曾崇範其妻先許聘數人皆死後夢人得語云此是汝夫果嫁於曾也

田頭有鹿跡  
田尾著日象

證空徒贊 證空臨川郭氏五代時人俗名居適年十四入嵩嶽削髮為僧謁洞山俗遂悟道嘗自寫半身影其徒贊之云云

日出連山月圓當戶不具無身不欲全 露 江西通志

全五代詩卷四十

羅江李調元雨村編

前蜀

前主王建

建字光圖許州舞陽人少為忠武軍卒稍遷隊  
 將楊復光討黃巢建為都頭僖宗使將神策軍  
 宿衛文德元年為招討牙內都指揮使大順二  
 年檢校司徒成都尹節度劍南西川招撫雲南  
 八國等使天復三年封蜀王梁既篡唐僭即帝  
 位卒號高祖

歐陽史建少無賴以屠牛盜騾販私鹽為事里人謂之賊王八全唐詩話建妻弟眉州刺史周德

權值梁祖篡唐引讖文上表勸進云李祐西王逢吉昌德允與丹莫當  
解曰李祐西王言唐後王氏興西方也西方為允丹朱也言朱梁不敢  
抗也建大悅遂即  
位擢德權中書令

贈別唐太師道襲

半歲便將為肘腋二紀何曾離一日更深猶向立案前  
敷奏柔和不傷物今朝榮貴慰我心雙旌引向重城出  
褒斜舊地委勳賢從此生靈永泰息

後主衍

衍字化源建之子為後唐所滅有烟花集十國春秋咸康

元年九月奉太后太妃禱青城山官人皆衣雲霞之衣自製甘州曲令官人唱  
之其詞哀怨聞者慘淒詞曰画羅裙能結束稱腰身柳眉桃臉不勝春薄媚  
足精神可惜許淪落在風塵意本謂神仙在凡塵耳及降中原官妓多  
淪落人間蜀構机云嘉王宗壽每諫諍衍不樂燕會衍命工人李三

蕭歌其所撰宮詞送宗壽酒宗壽懼禍乃飲佞臣潘在迎曰嘉王聞玉  
蕭即飲請以玉筆賜之行曰王必不納其詞云云北夢瑣言雙佞韓昭  
顧珣潘迎等為狎客競又手搯頭唐師入境過其報而遊幸師毛利  
州方知將士紛紛然曰且打又手搯頭念宣歌曰不知身命從把燭夜行遊  
令官女連臂又蜀王衍俘繫入秦至劍閣見山川之美賦詩云不緣朝  
夜闕去來此結苑廬時人笑之至咸陽又作曲子云盡是一場高柳得與  
夫無愁入非者所較無多也五代史蜀人富而喜遊當王氏晚年競為小  
帽僅覆其頂謂之危腦帽又好裹尖巾其狀如錐而後宮皆戴金蓮花冠衣  
道士服酒酣免冠其髻  
豎然更施朱粉搨醉粉

醉粧詞

者邊走那邊走只是尋花柳那邊走者邊走莫壓金杯

酒

幸秦川上梓潼山

喬巖簇冷烟幽徑上寒天下瞰峨嵋嶺上窺華岳巔驅

馳非取樂按幸為憂邊此去如登陟歌樓路幾千

題劍門

緩轡踰雙劍行行躡石稜作千尋壁壘為萬祀依憑道  
德雖無取江山粗可矜回看城闕路雲疊樹層層

過白衛嶺和韓昭儉

先期神武力開邊畫斷封疆四五千前望隴山也劍戟  
後憑巫峽鎖烽烟軒皇尚自親平寇嬴政徒勞愛學仙  
想到隗宮尋勝處正應鶯語暮春天

宮詞

輝輝赫赫浮玉雲宣華池上月華新月華如水浸宮殿

有酒不醉真癡人

張格

格字義師河間人唐宰相濬之子仕蜀為翰林  
學士拜中書侍郎同平章事累加右僕射太傅

十國春秋梁王全忠將謀篡代密諷張全義圖濬乃令楊麟率健卒圍其  
墅殺之永寧縣葉彥者張氏待之素厚當麟來彥偵知之告格曰相公之  
禍不可免即君且自為計格與濬父子持泣濬謂之曰留則併命去則遺種  
汝勿以吾為累格拜辭以行彥乃統義士三十人送渡漢江而旋格由荊州  
上峽入成都是時唐亂人士多依兩川以避難高祖雖起戎伍  
為人饒智畧善持士故所用皆唐名臣族而待格恩禮尤異

寄禪月大師

龍華咫尺斷來音日夕空馳詠德心禪月字清師號別  
壽春詩古帝恩深畫成羅漢驚三界書似張顛直萬金

莫倚名高忘故舊曉晴閑步一相尋

周庠

庠唐龍州司倉後事王建累官御史中丞中書

侍郎同平章事王衍嗣位進司徒十國春秋庠子仁矩官駙馬都尉粗

有才藻而庸劣特甚國亡後與貧正者伍令一人先道爵里於市肆間有哀之者日獲錢數百相與飲最為樂成都人皆嗟歎之

寄禪月大師

昨日塵遊到幾家就中偏省近宣麻水田鋪座時移画  
金地譚空說盡沙傍竹欲添犀浦石栽松更碾味江茶  
有時捻得休公卷倚柱閑吟見落霞

王錯

錯字鱣祥仕蜀為翰林學士遷御史中丞歷中

書侍郎同平章事十國春秋唐師入成都李昊草降表上軍聞而降書則錯寔為之錯至洛陽唐授以

刺史錯上表乞後主骸骨歸葬蜀山有云生為萬乘之君死在匹夫之手不允人頗稱之錯家藏異書數千本多手自丹黃又親寫釋藏經若干卷每趨朝於白藤擔子內鈔書書法絕工其好學亦有足取者

贈禪月大師

長愛吾師性自然天心白月水中蓮神通力遍恒沙外  
詩句名高八米前尋訪不聞朝振錫修行惟說夜安禪  
太平時節俱無事莫惜時來話草元

庾傳素

傳素事王建為蜀州刺史累官至左僕射同平

章事罷為工部尚書衍嗣立加太子太保兼中書侍郎後降唐為刺史卒

十國春秋傳表領蜀州時有唐興縣郎吏楊會者事傳素甚謹及傳素為相除長馬以酬之會堅辭曰會之吏役遠近皆知忝冒為官寧掩人口且捨數千家供待而博一虛名長馬無益也時人稱其有識

大蘭花

木蘭紅豔多情態不似凡花人不愛移來孔雀檻邊栽  
折向鳳凰釵上戴是何芍藥爭風彩自共牡丹長作對  
若教為女嫁東風除却黃鶯難匹配

馮涓

涓字信之東陽人舉進士登大中四年宏詞科為京兆府參軍尋隱商山昭宗起為祠部郎中

擢眉州刺史田陳拒命不令之任涓於成都黑池灌園自給王建據蜀以為翰林學士終御史大夫所著有南冠龍吟長樂等集十三卷

北史瑣言馮涓分符眉州不得之任踟躕陳田之間羈愁六年著懷秦賦有南冠梁川歌詩皆自傷踟躕也有蜀馮引云云又題支機石云不隨俗物皆成土

只待良時却補天苦雨行云釜魚化作池中物禾履為天際船蜀城析骸之際幾至殍殍因投粥米家活有詩云取水郎中何日了破柴員外幾時休早知蜀地區姬與悔不長安大比丘

通鑑綱目涓為建草殺陳敬瑄田令孜表云開押出虎孔宜父不責他人當路斬蛇孫叔敖蓋非利已云云天下快之

十國春秋涓撰機龍文大蟲榜嶮等歌皆有文采涓性滑稽語多譏諷高祖常問擊輪之戲初自何人涓對曰邱八所製高祖為大笑又與司空王錯等小酌錯舉令一字三呼兩物相似曰樂樂樂冷淘似餛飩涓曰已已已驢糞似馬矢坐中大噱涓但長嘯而已又云大中四年進士馮涓登第榜中文與最高是歲暹羅國起樓厚齋金帛奏請撰記時人榮之

蜀馮引

昂藏大步驅蠶叢國曲頸微伸高九尺卓女窺窓莫我知  
嚴仙據案何曾識

自古皆傳蜀道難爾何能過拔蛇山忽驚登得鷄翁磧  
又恐礙著鹿頭關

楊玠

玠字靖夫虞卿之曾孫也蜀王建時累官禮部  
尚書衍嗣位謫榮經尉乾德中復為太常少卿

後歸後唐授工部尚書

談苑玠自蜀歸唐長安舊居多為鄰里侵占子弟欲詣府訴其事以

狀白玠玠批紙尾云四鄰侵我我從伊畢竟須思未有時試上含元殿基望秋風秋草正離離子弟不復敢言又登慈恩寺塔

曲江平鴉噪殘陽麥隴青莫上慈恩最高望不堪看又不堪聽

遣歌伎

垂老無端用意乖誰知道侶厭清齋如今又采靡蕪去  
辜負張君繡鞞鞋

韓昭

昭字德華長安人為蜀後主王衍狎客累官禮  
部尚書文思殿大學士唐兵入蜀王宗弼梟斬

送唐

十國春秋昭性便佞善窺迎人意與滿坑子在迎顧彥朗子在

飲其中男女雜坐褻慢無所不至或為豔歌唱和沉湎無虛日又昭相

事藝如拆襪線無有寸長時人避之海錄碎事載李台瑕云韓昭凡事如僧剃髮無有寸長

和題劍門



閉關防老寇孰敢振威稜險固疑天設山河自古憑三  
川奚所賴隻劍最堪矜鳥道微通處烟霞鎖百層

從幸秦川過白衛獻詩

吾王巡狩為安邊此去秦亭尚數千夜照路岐山店火  
曉通消息成瓶炆為雲巫峽雖神女跨鳳秦樓是謫仙  
八駿似龍人似虎何愁飛過大漫天

李浩弼

浩弼蜀翰林學士

從幸秦川賦鷲獸歌

巖下年年自寢訛生靈餐盡意如何爪牙衆後民隨滅

溪壑深來骨已多天子紀綱猶被美  
人窮獨固難過  
長途莫怪無人跡盡被山工稜却他

盧延讓

延讓字子善范陽人唐光化九年進士第明陵

雷滿辟從事滿敗歸王建開國授水部員外郎

累遷給事中終刑部侍郎卒

撫言先是延讓師薛許下能為詩詞意入僻時人多笑

之吳翰林融為侍御史出官峽中延讓時薄遊荆省負銀卷軸未遑贖謁會融表弟勝籍者偶得延讓百篇融覽大奇之曰此無他貴不尋常耳于是稱之于府主成內時故相張公職大租於是邸常以延讓為笑端及融言之咸所改觀延讓深所感激然猶因循竟未相面儀值融赴急徵入內庭致政于公卿間稱譽不已光化戊午歲來自相南融一見如舊相識延讓嗚咽流涕于是攘臂成之矣又盧延讓業僻澁詩吳翰林雖以賦卷擢第然八面受敵深知延讓之能延讓始投贄卷中有說詩一篇斷句云因知文賦易為不得之乎子華笑曰上門惡罵來詩史蜀盧延讓獻王建詩卷中有

栗爆燒檀破猫跳觸昂翻之句後建與潘峭在內殿平章邊事令官人于爐中爆栗栗爆出燒損繡褥子建多疑每燒金鼎子唯徐妃二妹妹侍茶湯而已是夜猫誤觸昂翻建曰憶延讓詩有一驪云云先輩詩信無虛境遂有六行之拜詩話總龜作盧延遜上太宗詩潘峭作潘美延遜當即延讓宋諱讓字故也盧延讓詩目為容易如每過私第看一長著公裳送上驢高僧解語牙無水老鶴能飛骨有風其殆庶幾又如栗爆猫跳云云而楊文公愛之不知何謂一談苑延遜詩淺近人皆笑之惟吳融獨重之且云後必垂名延遜詩亦有佳處宿東林云兩三條電欲為雨七八個星猶在天茶舍言懷云名紙毛生五門下家童骨立六街中蜀路云雲間聞鐸驟馱去雪裡殘骸虎拽來寄人云吟安一個字撚斷數莖髮又樹上詔詠批頰鳥窻間驅膊叩頭虫余在翰林常召對上舉延遜詩云鷹健卒懸瓊帽騎馬佳人卷畫衫雖淺近亦自成一體一全唐詩話亦讓有哭亡將詩云日是碣砂發非干駭石傷牒高身上職一盤大皆遺亦善謔也一北夢瑣言延讓有詩云不同文賦異為是者之乎復入翰林閣筆而已同列戲之曰不同文賦易為是者之乎竟以不稱職數日而罷一十國春秋延讓所業詩有狗觸店門開饑猫臨鼠穴噉大舐魚砧諸句甚為張瘠成內所賞及高祖時復以詩語巧合擢用延讓謂人曰平生投謁公卿不意得力于猫兔狗子聞者大噱一紀事延讓入蜀頗為蜀人所易一句云莫欺零落殘牙齒曾吃紅綾餅餽來延讓放進去第二人曾燕於山一勅大官十八人賜餅餽蓋唐御食以紅綾餅餽為上品也一郭熙書畫心法

讓雪詩云渡水蹙鹽雙耳直避風羸僕一有馬一海錄碎事延讓有弔孟浩然句云高據襄陽播盛名問人人道是詩星一錦繡萬花谷延讓有句云涼雨打低殘菡一苜急風吹散小蜻蜓

苦吟

莫話詩中事詩中難更無吟安一箇字撚斷數莖鬚險覓天應悶狂搜海亦枯不同文賦易為著者之乎

雪

瑞雪落紛華隨風一向斜地平鋪作月天迴撒成花客滿燒烟舍牛牽賣炭車吾皇憂挾纊猶自問君家

冬除夜書情

兀兀坐無味思量誰與隣數星深夜火一個遠鄉人雁

翦天微雪風號樹欲春愁章自難過不覺苦吟頻

觀新歲朝賀

龍墀初立仗鴛鴦列班行元日燕脂色朝天捧燭香表  
章堆玉案繒帛滿牙牀三百年如此無因及我唐

八月十六日夜月

十六勝三五中天照太荒祇訛夢子緣應耗沒多光桂  
老猶全在蟾深未煞忙難期一年事到曉泥詩章

松寺

山寺取涼當夏夜共僧蹲坐石階前兩三條電欲為雨  
七八箇星猶在天衣汗稍停床上扇茶香時撥澗中泉

通宵聽論蓮華義不藉松窗一覺眠

贈僧

浮世浮華一斷空偶拋煩惱到蓮宮高僧解語牙無水  
老鶴能飛骨有風野色吟餘生竹外山陰坐久入池中  
禪師莫問求名苦滋味過於食蓼蟲

逢友人赴闕

正當天下待雍熙丹詔徵來早為遲倚馬才高猶愛藝  
問牛心在肯容私吏開黃閣排班處民擁青門看入時  
却笑郡人留不得感恩唯擬立生祠

哭李郢端公

金五代詩 卷五  
軍門半掩槐花宅每過猶聞哭臨聲  
北固暴亡魚在路東都權墓未歸塋  
漸窮老僕慵看馬著慘佳人暗理爭  
詩侶酒徒消散盡一場春夢越王城

謝楊尚書惠櫻桃

滿合虛紅怕動搖尚書知重賜櫻桃採  
藍尚帶新鮮葉潑血猶殘舊折條  
萬顆具珠輕觸破一團甘露軟含消  
春來老病尤珍荷併食中腸似火燒

寒食日戲贈李侍御

十二街如市紅塵咽不開灑蹄驄馬汗  
沒處看花來

樊川寒食二首

寒食權豪豈出行一川如畫雨初晴  
誰家絡絡游春盛擔入花間軋軋聲

鞍馬和花總是塵歌聲處處有佳人  
五陵年少麤於事栲栳量金買斷春

張道古

道古一名暉字子美臨淄人景福中擢進士第  
官右拾遺以直諫謫施州司戶後入蜀王建召  
為武司郎中尋復貶死

十國春秋道古為右拾遺播遷之後上疏言五危二亂七事論官去

後賈下青城市中韋莊薦為節度使官又上高祖詩序五危二亂事為同僚所疾安置茂州鄭雲叟在華州聞其卒作詩弔之詩話賈休

悼張道古詩云清河逝水大恩恩東觀無人失至公天上君恩三載隔鑑中鸞影一時空墳生苦霧蒼茫外門掩寒雲寂寞中惆悵斯人又如此

一聲蠻笛  
滿江風

上蜀王

封章才達冕旒前，黜詔俄離玉座端。  
二亂豈由明主用，五危終被佞臣彈。  
西巡鳳府非為固，東播蠻輿卒未安。  
諫疏至今如在，誰能更與讀來看。

牛嶠

嶠字松卿隴西人，乾符五年進士官尚書郎王

建僭位為給事中有集三十三卷

十國春秋嶠自言  
竊慕李賀長歌舉

筆輒效之尤善製小詞女冠子云繡帶芙蓉帳金釵芍藥花又山月照  
山花夢回燈影斜皆嶠佳句也 陸游云嶠定西番為塞下曲望江怨  
為閨中曲是盛唐遺音及讀翠娥愁不抬頭則又刻  
細似晚唐 姜白石云嶠有楊柳枝詞見稱於時

春曉曲

春入橫塘搖淺浪，花落小園空惆悵。  
此情誰信為狂夫，恨翠愁紅流枕上。  
小玉窗前噴燕語，血淚滴穿金線縷。  
雁歸不見報郎歸，織成錦字封過與。

紅薔薇

曉啼珠露渾無力，繡簇羅襦不着行。  
若綴壽陽公主額，六宮爭肯學梅粧。

楊柳枝

解凍風來未上青，解垂羅袖拜卿卿。  
卿無端裏娜臨官路，舞送行人過一生。

吳王宮裡色偏深一簇纖條萬縷金不憤錢塘蘇小小  
引郎松下結同心丹鉛總錄云因詠柳而貶松所謂尊題格也有改松下作枝下者誤

橋北橋南千萬條恨伊張緒不相饒金羈白馬臨風望  
認得年家靜婉腰

狂雪隨風撲馬飛惹烟無力被春欺莫教移入靈和殿  
宮女三千又妬伊

裏翠籠烟拂暖波舞裙新染麴塵羅章華臺畔隨堤上  
傍得春風爾許多

牛希濟

希濟嶠之兄子隴西人仕蜀王衍時為起居郎

累官翰林學士御史中丞後入後唐為雍州節

度副使碧溪詩話載錄天成初明宗召止蜀舊臣賦詩惟中丞牛希濟最佳

十國春秋希濟素以詩辭名所撰臨江仙二闕有云月斜江上征棹動晨鐘又云皆道勝人間因知狂客拚死為紅顏特為詞家之雋又次牛嶠女冠子四闕時輩噴噴稱道女冠子故唐駱賓王代王靈妃贈李榮衣篇因取以為名

閨怨

春山烟欲收天澹星稀小殘月臉邊明別淚臨清曉語  
多情未了回首猶重道記得綠羅裙處處憐芳草

奉詔賦蜀主降唐得川字

滿城文武欲朝天不覺隣師犯塞烟唐主再懸新日月  
蜀王難保舊山川非干將相扶持拙自是君臣數盡年

全五代詩 卷四十一  
古往今來亦如此幾曾歡笑幾潸然

全五代詩卷四十一

羅江李調元雨村 編

前蜀

韋莊

莊字端已杜陵人見素之後乾寧元年第進士授校書郎轉補闕與李洵為兩川宣諭和協使莊以中原多故潛欲依蜀前主建辟為掌書記尋擢起居舍人累官至門下侍郎吏部尚書同

平章事卒謚文靖所著有浣花集又元集五代史端

已以豔語見長應舉時遇黃巢犯關著秦婦吟云內庫燒為錦繡  
灰天街蹋盡無公卿骨人稱為秦婦吟秀才 鑑誠錄詩之作也窮

達之分可見莊感懷七律詩末句云大道不將爐冶去有心重立太平  
 其真詩甚壯故至台輔 北夢鎖言杜荀鶴嘗吟一聯云舊衣灰絮絮  
 新酒竹筍筍或語於莊莊極之日印將金鎖鎖簾用玉鈎鈎即大  
 拜之祥也 胡孝轅琴籤章莊詩靜極却嫌流水開關多翻笑野雲  
 忙本於老杜之水流心不競雲在意俱遲但多着一嫌字笑字覺非  
 真開真靜耳 又莊卒之歲日誦杜甫白沙翠竹江村暮相送柴門月  
 色新之句吟諷不置及卒葬白沙之陽 十國春秋莊有美姬善文翰  
 高祖託以教宮人為辭強奪去莊作謁金門詞憶之云空相憶無計  
 得傳消息天上嫦娥人不識寄書何處覓新睡覺來無力不忍起  
 君書迹滿院落花春寂寂斷腸芳草碧 玳姬聞之不食而死 又莊  
 常取唐之麗句勒成又元集其自序云謝元暉文集盈編止誦澄江之  
 句曹子建詩名冠古惟吟清夜之篇是知美稼千箱而岐奚少繁弦九  
 變大獲此稀入華林而珠樹非多閱衆籟而紫簫惟一所以擷芳林下  
 拾翠巖邊沙之汰之始辨辟寒之寶載雕戴琢方成瑚璉之珍故知額  
 下採珠難求十斛管中窺豹但取一斑思食馬留肝徒云染指豈烹魚  
 去乙或至傷鱗自慙乎鱗鼠易盈非嗜其熊躡獨美然則律者既  
 採繁者是除何知黑白之驚強識滿渥之水莊文詞甚多不具錄 戊籤  
 莊浣花集弟諱編錄序略云家兄自庚子亂離前凡著歌詩文章數十通  
 屬兵火迭與簡編俱墜惟餘口誦者所存者幾耳後流離潭沔寓目緣  
 情追於癸亥歲又綴僅千餘首辛酉春應聘為蜀奏記明年浣花溪尋

得杜工部舊址結茅為室思其人欲成其處謫因錄兄稿或默誦者次  
 為十卷目之曰浣花集亦杜陵所居之義也後所製用繼于右時癸亥  
 六月九日一按偽史莊全集二十卷是公武讀書志稱僅存五卷今行  
 世十卷入蜀後詩際無之亦非全本也集以年為次今編分體仍其  
 年于下集所不載者搜得七  
 十首注補遺二字附各體末

平陵老将

白羽金僕姑腰懸雙轆轤前年蔥嶺北獨戰雲中胡足  
 馬塞垣老一身如鳥孤歸來辭第宅却占平陵居

少年行

五陵豪客多買酒黃金觥醉下酒家樓美人雙翠幃揮  
 劍邯鄲市走馬梁王苑樂事殊未央年華已云晚

閏月



明月照前除煙華蕙蘭濕清風行處來白露寒蟬急美人情易傷暗上紅樓立欲言無處言但向姮娥泣

閨怨

戚戚彼何人明眸利於月啼妝曉不乾素面凝香雪良人去淄右鏡破金簪折空藏蘭蕙心不忍琴中說

上春詞

曛曛赫日東方來禁城煙煖蒸青苔金樓美人花屏開晨妝未罷車聲催幽蘭報暖紫芽折天花愁艷蝶飛迴五陵年少惜花落酒濃歌極翻如哀四時輪環終又始百年不見南山摧遊人陌上騎生塵顏子門前吹死灰

擣練篇

月華吐艷明燭燭青樓婦唱擣衣曲白袷絲光織魚目菱花綬帶鴛鴦簇臨風縹緲疊秋雪月下丁冬擣寒玉樓蘭欲寄在何鄉憑人與繫征鴻足

雜體聯錦

攜手重攜手夾江金線柳江上柳能長行人恋尊酒尊酒意何深為郎歌玉簪玉簪聲斷續鈿軸鳴雙轂雙轂去向何方隔江春樹綠樹綠酒旗高淚痕沾繡袍袍縫紫鷺濕重持金錯刀錯刀何燦爛使我腸寸斷腸斷欲何言簾動真珠繁真珠綴秋露秋露沾金盤金盤湛瓊液

仙子無歸跡無跡又無言海煙空寂寂寂寂古城道馬  
嘶芳岼草岼草接長堤長堤人解携解携忽已久緬邈  
空回首回首隔天河恨唱蓮塘歌蓮塘在何許日暮西  
山雨

長安春

長安二月多香塵六街立馬聲麟麟家家樓上如花人  
千枝萬枝紅艷新簾閣笑語自相問何人占得長安春  
長安春色本無主古來盡屬紅樓女如今無柰杏園  
駿馬輕車擁將去

撫盈歌

鳳轂兮鳶綃霞疏兮綺寮玉庭兮春畫金屋兮秋宵愁  
瞳兮月皎笑頰兮花嬌羅輕兮濃麝室煖兮香椒鑾輿  
去兮蕭屑七絲斷兮沈寥主父卧兮漳水君王幸兮雲  
輶鉛華宵窈兮穠姿棠公盼蠻兮靡依翠華長逝兮莫  
追晏相望門兮空悲

信州西三十里山名僊人城下有月巖山其狀秀  
拔中有山門如滿月之狀余因行役過其下聊賦  
是詩

驅車過閩越路出饒陽西僊山翠如畫簇簇生虹蜺群  
峰若侍從衆阜如嬰提巖巒互吞吐嶺岫相追攜中有

全五代詩  
卷五  
月輪滿皎潔如圓珪玉皇恣遊覽到此神應迷常娥曳  
霞帔引我同攀躋騰騰上天半玉鏡懸飛梯瑤池何悄  
悄鸞鶴煙中棲回頭望塵世露下寒淒淒

乞彩牋歌

浣花溪上如花客綠閣紅藏人不識留得溪頭瑟瑟波  
潑成紙上猩猩色手把金刀擘絲雲有時翦破秋天碧  
不使紅霓段段飛一時驅上丹霞鉅蜀客才多染不供  
卓文醉後開無力孔雀銜來向日飛翩翩壓折黃金翼  
我有歌詩一千首磨礱山岳羅星斗開卷長疑雷電驚  
揮毫只怕龍蛇走班班布在時人口滿袖松花都未有

人間無處買煙霞須知得自神仙手也知價重連城璧  
一紙萬金猶不惜薛濤昨夜夢中來殷勤勸向君邊覓

贈峨嵋山彈琴李處士

峨嵋山下能琴客似醉似狂人不測何須見我眼偏青  
未見我身頭已白茫茫四海本無家一片愁雲颯秋碧  
壺中醉卧日月明世上長遊天地窄晉朝叔夜舊相知  
蜀郡文君小來識後生常建彼何人贈我篇章苦雕刻  
名卿名相盡知音遇酒遇琴無間隔如今世亂獨翛然  
天外鴻飛招不得余今正泣楊朱淚八月邊城風刮地  
霓旌絳旆忽相尋爲我尊前橫綠綺一彈猛雨隨手來

再彈白雪連天起淒淒清清松上風  
 咽咽幽幽隴頭水  
 吟蜂遶樹去不來別鶴引雛飛  
 又止錦鱗不動惟側頭  
 白馬仰聽空豎耳廣陵故事無人知  
 古人不說令人疑  
 子期子野俱不見烏啼鬼哭空傷悲  
 坐中詞客悄無語  
 簾外月華庭欲午為君吟作聽琴歌  
 為我留名係仙譜  
 南陽小將張彥破口鎮稅人場射虎歌

海內昔年狎太平橫目穰穰何崢嶸  
 天生天殺豈天怒  
 忍使朝朝餵猛虎關東驛路多邱荒  
 行人最忌稅人場  
 張彥雄特制殘暴見之叱起如此羊  
 鳴弦霹靂越幽阻  
 往往依林猶抗拒草際旋看垂節茵  
 腰間不便抽白羽

老饕已斃眾雛恐童稚揶揄皆自勇  
 忠良効順勢亦然  
 一劍猜狂敢輕動有文有武方為國  
 不是英雄伏不得  
 試徵張彥作將軍幾箇將軍願策勳

章臺夜思

清瑟怨遙夜遶弦風雨哀孤燈聞楚角  
 殘月下章臺  
 芳草已云暮故人殊未來鄉書不可寄  
 秋鴈又南迴

延興門外作

芳草五陵道美人金犢車綠奔穿內水  
 紅落過牆花  
 馬足倦遊客鳥聲歡酒家王孫歸去晚  
 官樹欲棲鴉

劉得仁墓

至公遺至藝終抱至寃沉名有詩家業身無戚里心桂  
和秋露滴松帶夜風吟冥冥知春否墳高日已深

梁氏水齋

獨醉任騰騰琴瑟亦自能卷簾山對客開戶犬迎僧看  
蟻移苔穴聞蛙落石層夜窓風雨急竹外一菴燈

曲池作

細雨曲池濱青袍草色新詠詩行信馬載酒喜逢人性  
為無機率家因守道貧若無詩自遣誰奈寂寥春

嘉會里閑居

豈知城闕內有地出紅塵草占一方綠樹藏千古春馬

嘶遊寺客犬吠探花人寂寂無鐘鼓槐行接紫宸

夏夜

傍水遷書榻開襟納夜涼星繁愁晝熱露重覺荷香蛙  
吹鳴還息蛛羅滅又光正吟秋興賦桐影下西牆

早發

早霧濃於雨田深黍稻低出門雞未唱過客馬頻嘶樹  
色遙藏店泉聲暗傍畦獨吟三十里城月尚如珪

愁

避愁愁又至愁至事難忘夜坐心中火朝為鬢上霜不  
經公子夢偏入旅人腸借問高軒客何鄉是醉鄉

村居書事

年年耕與釣鷗鳥已相依砌長蒼苔厚藤抽紫蔓肥風  
鶯移樹轉雨燕入樓飛不覺春光暮遶籬紅杏稀

雨霖晚眺

庚子年冬大  
駕幸蜀後作

入谷路縈紆巖巔日欲晡嶺雲寒埽蓋溪雪凍黏鬚臥  
草跼如兔聽水怯似狐仍聞關外火昨夜徹皇都

賊中與蕭韋二秀才同卧重疾二君尋愈余獨加  
焉恍忽之中因有題

與君同卧疾獨我漸彌留弟妹不知處兵戈殊未休胸  
中疑晉豎耳下鬪殷牛縱有秦醫在懷鄉亦淚流

重圍中逢蕭校書

相逢俱此地此地是何鄉側目不成語撫心空自傷劍  
高無鳥度樹暗有兵藏底事征西將年年戌洛陽

宿山家

山行侵夜到雲竇一星燈草動蛇尋穴枝搖鼠上藤背  
風開藥竈向月展漁罾明日前溪路煙蘿更幾層

和人歲宴旅舍見寄

積雪滿前除寒光夜皎如老憂新歲近貧覺故交疎意  
合論文後心降得句初莫言常鬱鬱天道有盈虛

對酒賦友人

多病仍多感君心自我心浮生都是夢浩歎不如吟白  
雪篇篇麗清酤盞盞深亂離俱老大強醉莫露襟

潁陽縣

琴堂連少室故事即僊蹤樹老風聲壯山高臘候濃雪  
多庭有鹿縣僻寺無鐘何處留詩客茆簷倚後峰

寄園林主人

主人常不在春物為誰開桃艷紅將落梨花雪又摧曉  
鶯閑自轉遊客暮空田尚有餘芳在猶堪載酒來

贈薛秀才

相辭因避世相見尚兵戈亂後故人少別來新話多但

聞哀痛詔未覩凱旋歌欲結岩樓伴何山好薜蘿

和元秀才別業書事

僻居春事好水曲亂花陰浪過河移岍雛成鳥別林綠  
錢榆貫重紅障杏籬深莫飲宜城酒愁多醉易沉

紀村事

綠蔓映雙扉循牆一徑微雨多庭果爛稻熟渚禽肥釀  
酒迎新社遙砧送暮暉數聲牛上笛何處餉田歸

題許僊師院

地古多喬木遊人到且吟院開金鑠澀門映綠篁深山  
色不離眼鶴聲長在琴往來誰與熟乳鹿住前林

不寐

不寐天將曉心勞轉似灰蚊吟頻到耳鼠鬪競緣臺戶  
閣知蟾落林喧覺雨來馬嘶朝客過知是禁門開

贈武處士

一身唯一室高靜若僧家掃地留疎影穿池浸落霞綠  
蘿臨水合白道向村斜賣藥歸來醉吟詩倚釣臺

春暮

一春春事好病酒起常遲流水綠縈砌落花紅墮枝樓  
高喧乳燕樹密鬪雛鷓不學山公醉將何自解頤

哭麻處士

却到歌吟地閑門草色中百年流水盡萬事落花空總  
帳扃秋月詩樓鏤夜蟲少微何處墮留恨白楊風

和友人

閑門同隱士不出動經時靜閱王維畫閑翻褚允棋落  
泉當戶急殘月下窓遲却想從來意譙周亦自吟

春愁

寓思本多傷逢春恨更長露霑湘竹淚花墮越梅妝睡  
怯交加夢閑傾潑灑觴後庭人不到斜月上松篁

晚春

花開疑乍富花落似初貧萬物不如酒四時唯愛春峨



峨秦氏髻皎皎洛川神風月應相笑年年醉病身

送崔郎中往使西川行在

拜書辭玉帳萬里劍關長新馬杏花色綠袍春草香一  
身朝玉陛幾日過銅梁莫戀爐邊醉僊宮待侍郎

潤州顯濟閣曉望

清曉水如鏡隔江人似鷗遠煙藏海島初日照揚州地  
壯孫權氣雲凝庾信愁一篷何處客吟凭釣魚舟

過當塗縣

客過當塗縣停車訪舊遊謝公山有墅李白酒無樓采  
石花空發烏江水自流夕陽誰共感寒鷺立汀洲

鐻白

白髮太無情朝朝鐻又生始因絲一縷漸年雪千莖不  
避佳人笑唯慙稚子驚新年過半百猶歎未休兵

遣興

如幻如泡世多愁多病身亂來知酒聖負去覺金和異  
國清明節空江寂寞春聲聲林上鳥喚我北歸秦

建昌渡暝吟

月照臨官渡鄉情獨浩然鳥樓彭蠡樹月上建昌船市  
散漁翁醉樓深賈客眠隔江何處笛吹斷綠楊煙

歲除對王秀才作

我惜今宵促君愁玉漏頻豈知新歲酒猶作異鄉身雪  
向寅前凍花從子後春到明追此會俱是隔年人

酒渴愛江清

酒渴河方療江波一掬清瀉甌如練色漱齒作泉聲味  
帶他山雪光含白露精只應千古後長稱伯倫情

南遊富陽江中作

南去又南去此行非自期一飄雲作伴千里月相隨浪  
跡花應笑哀容鏡每知鄉園不可問禾黍正離離

婺州水館重陽日作

異國逢佳節憑高獨苦吟一杯今日酒萬里故鄉心水

館紅蘭合山城紫菊深白衣雖不至鷗鳥自相尋

避地越中作

避世移家遠天涯歲已周豈知今夜月還是去年愁露  
果珠沉水風螢燭上樓傷心潘騎省華髮不禁秋

信州溪岸夜吟作

夜倚臨溪店懷鄉獨苦吟月當山頂出星倚水湄沉霧  
氣漁燈冷鐘聲谷寺深一城人悄悄琪樹宿僊禽

齊安郡

彌棹齊安郡孤城百戰殘傍村林有虎帶郭縣無官暮  
角梅花怨清江桂影寒黍離緣底事撩我起長歎

寄江南諸弟

萬里逢歸鴈鄉書忍淚封吾身不自保爾道各何從性  
拙唯多蹇家貧半為慵祇思溪影上卧看玉華峰

雞公嶺去襄城縣二十里

石狀雖如憤山形可類雞向風疑欲鬪帶雨似聞啼蔓  
織青籠合松長翠羽低不鳴非有意為怕客奔奔

靈席

一閉香閣後羅衣盡施僧鼠偷筵上果蛾撲帳前燈土  
蝕釵無鳳塵生鏡少菱有時還影響花葉曳香縵

舊居

芳草又芳草故人楊子家青雲易散白日等閑斜皓  
質留殘雪香魂逐斷霞不知何處笛一夜叫梅花

歲晏同左生作

歲暮鄉關遠天涯手重攜雪埋江樹短雲壓夜城低寶  
瑟湘靈怨清砧杜魄啼不須臨皎鏡年長易淒涼

秋霖晚景

秋霖禁城晚六街煙雨殘牆頭山色健林外鳥聲歡翹  
日樓臺麗清風劍佩寒玉人襟袖薄斜凭翠闌干

覽蕭必先卷

滿軸編新句脩然大雅風名因五字得命合一言通景

盡才難盡吟終意未終似逢曹與謝煙雨思何窮

寓言

為儒逢世亂吾道欲何之學劍已應晚歸山今又遲故  
人三載別明月兩鄉悲惆悵滄江上星星鬢有絲

哭同舍崔員小

却到同遊地三年一雷光地塘春草在風燭故人祭  
罷泉聲急齋餘磬韻長碧天應有恨斜日吊松篁

婺州和陸諫議將赴闕懷陽羨山居

望闕路仍遠子牟魂欲飛道開燒藥鼎僧寄卧雲衣故  
國饒芳草他山挂夕暉東陽雖勝地玉粲奈思歸

不出院楚公

自三衢至江西作  
一自禪關閉心猿日漸馴不知城郭路稀識市朝人復  
帶階前雪衣無寺外塵却嫌山翠好詩客往來頻

漁塘十六韻

在朱陽縣石岩下古堽云洛山一流流出此山  
洛水分餘脉穿巖出石稜碧經嵐氣重清帶露芽冰瑩  
澈通三島巖梧積萬層巢由應共到劉阮想同登壁峻

苔如畫山昏霧似蒸撼松衣有雪題石硯生水路熟雲  
中客名留域外僧飢猿尋落橡鬪鼠墮高藤嶮樹臨溪

亞殘莎帶岬崩持竿聊藉草待月好垂簾對景思任父  
開圖想不興晚風輕浪疊暮雨濕煙凝似泛靈槎出如

迎羽客昇仙源終不測勝概自相仍欲別誠堪戀長歸  
又未能他時操史筆為爾著良稱

和薛先輩見寄初秋寓懷即事之作二十韵

玉律初移候清風乍遠襟一聲禪到耳千炬火然心嶽  
靜雲堆翠樓高日半沉引愁憎暮角驚夢怯殘磬露白  
凝霜簟風篔韵蜀琴鳥喧從果爛塔淨任苔侵市井添  
紅景槐柯減綠陰採珠逢寶窟閱石見瑤林魯殿鏗寒  
玉苔山激碎金邨堂流桂景陳巷集車音名自張華顯  
詞因葛亮吟水深龍易失天遠鶴難尋鑿貌寧慙樂論  
才豈謝任義心孤劍直學海怒濤深既覩文兼質翻疑

古在今慙聞紆綠綬即候挂朝簪晚樹連秋塢斜陽映  
暮岑夜蟲方唧唧疲馬正駸駸託跡同吳燕依仁似越  
禽會隨仙羽化香蟻且同斟

初秋寓懷即事同舊韵

大火收殘暑清光漸惹襟謝莊千里思張翰五湖心暮  
角迎風急孤鐘向暝沉露滋三徑草日動四鄰砧簟委  
班姬扇蟬悲蔡琰琴方愁丹桂遠已怯二毛侵甃石迴  
泉脉移碁就竹陰觸絲蛛墮網避隼鳥投林貌愧潘郎  
璧文慙吕相金但埋鄴獄氣未發爨桐音靜笑劉琨舞  
閑思阮籍吟野花和露劇怪石入雲尋跡竟終非幻幽

閑且自任趨時慙藝薄託質仰恩深美價方稀古清名  
已絕今既聞留縞帶詎可擲著簪遲客虛高閣迎僧出  
亂岑壯心徒戚戚逸足自駸駸安羨倉中鼠危同幕上  
禽期君調鼎鼎他日俟羊斟

三用韻

素律初迴馭商飈暗觸襟乍傷詩客思還動旅人心蟬  
噪因風斷鱗遊見鷺沉笛聲隨晚吹松韻激遙砧地覆  
青袍草窻橫綠綺琴煙霄難自致歲月易相侵澗柳橫  
孤約巖藤架密陰瀟湘期釣侶鄆杜別家林遺愧虞卿  
璧言依季布金鉉聞郢唱次第發巴音螢影衝簾落

蟲聲擁砌吟樓高思共釣寺遠想同尋入夜愁難遣逢  
秋恨莫任蝸遊苔徑滑鶴步翠塘深莫問榮兼辱寧論  
古與今固窮憐瓦牖感舊惜蒿簪晚日舒霞綺遙天倚  
黛岑鴛鴦方翾翾驥整駸駸未化投陂竹空思出谷  
禽感多聊自遣桑落且閑斟

李氏小池亭十二韻

時在婺州  
寄居作

積石亂巉巖庭莎綠不芟小橋低跨水危檻半依巖花  
落魚爭唼櫻紅鳥競鷗引泉疏地脈掃絮積山嵌古柳  
紅綃織新篁紫綺絨養猿秋嘯月放鶴夜棲杉枕草谿  
雲膩池塘海雨鹹語窓鷄暹辨砥鼎犬偏饒踏蘚青粘

履攀蘿綠映衫訪僧舟北渡貰酒日西銜遲客登高閣  
題詩遶翠岫家藏何所寶清韵滿琅函

和李秀才郊墅早春吟興十韻

暖律變寒光東君景漸長我悲遊海嶠君說住柴桑雪  
色隨高嶽水聲陷古塘草根微吐翠梅朵半含霜酒市  
多逋客漁家足夜航匡廬雲傍屋彭蠡浪衝牀景罷楊  
枝嫩紅挑菜甲香鳳凰城已盡鸚鵡賦應狂佇見龍辭  
沼寧憂雁失行不應雙劍氣長在斗牛傍

和鄭拾遺秋日感事一百韻

禍亂天心厭流離客思傷有家拋上國無罪謫遐方負

笈將辭越揚飄欲泛湘避時難駐足感事易回腸雅道  
何銷德妖星忽耀芒中原初縱燎下國竟探湯盜據三  
秦地兵纏八水鄉戰塵輕犯關羽旆遠巡梁自此修文  
代俄成講武場熊羆驅涿鹿犀象走昆陽御馬迷新棧  
宮娥改舊粧五丁功再覩八難事難忘鳳引金根兵  
環玉弩疆建牙維可恃摩壘詎能防霍廟神遐遠圮橋  
路杳茫出師威似虎禦敵狠如羊眉畫猶思赤巾裁未  
厭黃晨趨鳴鐵騎夜舞挹瓊觴僭侈形襜亂誼呼繡鬢  
攘但聞爭曳組詎見學垂韉鵲印提新篆龍泉奪曉霜  
軍威徒逗撓我武自維揚負宸勞天眷凝旒念國章繡

旗張畫獸寶馬躍紅鸞但欲除妖氣寧思蔽耿光曉煙  
生帝里夜火入春坊鳥怪巢宮樹狐驕上苑墻設危終  
在德視履豈無祥氣激雷霆怒神驅岳瀆忙功高分虎  
節位下耻龍驤通命登壇將巡封異姓王志求扶陸典  
力未振頽綱漢路閑鷓鴣雲衢駐驢驢寶裝軍器麗麝  
裒戰袍香日覩兵書捷時聞虜騎亡人心驚獬豸意  
伺螳螂上略咸推妙前鋒詎可當紆金光照耀執玉意  
藏昂覆餗非無謂奢華事每詳四民皆組綬九土墮耕  
桑飛騎黃金勒香車翠鈿裝八珍羅膳府五采鬪匡牀  
宴集喧華第歌鐘簇畫梁永期傳子姓寧誤犯天狼未

覩君除側徒思玉在傍竄身奚可保易地喜相將國運  
方夷險天心詎測量九流雖暫蔽三柄豈相妨小孽乖  
躔次中興繫昊蒼法堯功已普罪已德非涼帝念惟思  
理臣心豈自違詔催青瑣客時待紫微郎定難輸宸筭  
勝災滅御梁皇恩思蕩蕩睿澤轉洋洋偃卧雖非暇艱  
難亦備嘗舜庭招諫鼓漢殿上書囊儉德遵三尺清朝  
俟一匡世隨漁父醉身效接輿狂竄逐同天寶遭罹異  
建康道孤悲海澨家遠隔天潢卒歲貧無褐經秋病泛  
漳似魚甘去乙比蟹未成筐守道慙無補趨時愧不臧  
殷牛常在耳晉豎欲潛育忸恨山思板懷歸海欲航角



吹魂悄悄笛引淚浪浪亂覺乾坤窄貧知日月長勢將  
隨鶴列忽喜遇駕行已報新回駕仍聞近納隍文風銷  
劍植禮物換旂常紫闥重開序青衿再設庠黑頭期命  
爵頰尾尚憂魴吳坂嘶騏驎岐山集鳳皇詞源波浩浩  
諫署玉鏘鏘飼雀曾傳慶烹蛇詎有殃弋弓揮勁鏃匣  
劍淬神鏗鏘諤寧慚直室堂不謝張曉風趨建禮日月  
直文昌去國時雖久安邦志不常良金鑪自躍美玉櫝  
難藏北望心如旆西歸律變商跡隨江燕去心逐塞鴻  
翔晚翠籠桑塢斜暉挂竹堂路愁千里月田愛萬斯箱  
伴釣歌前浦隨樵上遠 鷺眠依晚嶼鳥浴上枯楊驚

夢緣歌枕多吟為倚廊訪僧紅葉寺題句白雲房飄外  
青楓老尊前紫菊芳夜燈耿耿曉露玉瀼瀼異國慙  
傾蓋歸塗俟併糧身雖留震澤心已過雷塘執友知誰  
在家山各已荒海邊登桂檝煙外泛雲樯巢樹禽思越  
嘶風馬戀羌寒聲愁聽杵空館厭聞蟹望闕飛華表趨  
朝振玉璫米慙無蕙以麵喜有桄榔話別心重結傷時  
淚一瀉佇歸蓬島後綸詔潤青絳



